



**International call 48t per min** *ALL DAY ALL NIGHT!*

Use Citifon, Fixed Wireless phone & Prepaid Landline to call Australia, New Zealand, China, India, Fiji, Philippines & Malaysia this XMAS and enjoy the **LOWEST** Call Rate.

**TELKOM PNG**  
24/7 Customer Care on 345 6789 | website: www.telkompng.com.pg

**3G**  
**Intanet long poket**  
Wantaim Nambawan Veliu Huawei 6150



**K199 Tasol**

Call 123  
[www.digicelpng.com](http://www.digicelpng.com)

**Digicel** broadband

Terms and conditions apply.

ASUA: Ol polis i kisim Tiensten i go sasim em long Boroko Polis stesen long Tunde dispela wik. POTO: ANDREW MOLEN.



# Tiensten bai kot tete

**Sasim em long paulim K10m**

**Aja Alex Potabe i raitim**

**PASTAIM** Minista bilong Nesenel Plening na Distrikt Developmen, na Memba bilong Pomio, Paul Tiensten, bai sanap long Waigani Komital Kot nau moning long 9:30.

Polis i bin saspekt na sasim Tiensten hap aste long stilim K10 milian eafret subsidi, plen long giamanim stet na bagarapim Nesenel Plening opis taim em i bin stap minista long pastaim Somare-Abal gavman.

Loya bilong en, Arnold Amet Jnr, i tok, Tiensten inap long sanap long kot aste long 9:30 moning, tasol polis man bilong frot skwat, husat i bin arestim o holim em, i no givim yet polis brif long prosekuting opisa, long kot bai skelim keis bilong en.

*Moa stori long pes 3*

**INSAIT:** Lukim moa stori bilong Paul Tiensten long pes 3...

**OX & PALM BRAND**

**True Buli Bif Bilong PNG.**

**CORNED BEEF**

NET WEIGHT 340g



# Lukaut long ol kon lain: Tondop

Bustin Anzu i raitim

## OL lain husat i stap long Nesenel Kapitel Distrik mas kisim was long planti kon o giaman lain i stap long siti.

Planti kon lain i paulim pinis mani bilong ol narapela na ol pablik sevis mas kisim was long dispela tu.

Bos bilong polis long Nesenel Kapitel Distrik Suprintenden Joe Tondop, i tok ol mas was gut long wanem man o meri i toktok na wokim bisnis long en.

Planti bilong ol dispela lain em ol i giaman long kisim samting bilong narapela lain.

"Taim planti bilong ol dispela lain em ol gutpela lain, sampela em ol stil lain. Ol i laik yusim dispela taim long stilim mani bilong narapela. Wanpela taim tasol yu save long wanpela long pon i no min olsem wanem samting yu wokim bai kamap gutpela olgeta taim.

"Yu yet ken skelim na lukim olsem ol dispela lain yu laik wokim bisnis wantaim ol em gutpela o nogut na bihain go het na wokim ol samting. Nogut yu ino kliia gut na mekim na planti samting o mani bilong yu bai wes nating," em i tok long Fraide.

Na ol pablik sevis ino gat eskus long dispela. Ol mas save gut na sapos ol i pundaun long trep bilong ol dispela kain kon lain, dispela em ol i traim long kamapim korapsen.

Em i mekim ol dispela toktok bihain tasol long wanpela bikpela man long pablik sevis i kisim taim bihain em i givim bikpela mani i go long sampela kon lain na nau i no save long husat man em i givim dispela bikpela mani long en.

Taim em i ringim dispela namba long sekim, dispela namba nau i no wok moa na mani i lus nating.

Bos bilong polis long NCD i tok dispela Sif Eksekutiv Opisa (CEO) bilong Laloki Mental Haus sik, ausait tasol long siti, i lusim K25, 000 kes mani long wanpela man husat i ringim em yet na tokim em olsem em i Minista bilong Helt na HIV AIDS Jamie Maxtone Graham.

Suprintenden Tondop i tokim Wantok Niuspepa olsem i no long taim ol man mental i ronowe long Laloki, planti toktok i bin kamap long nius na dipatmen na dispela CEO na ol lain wokman meri bilong opis long kamapim wanpela ripot i go long Dipatmen bilong Helt long kisim sampela mani long stretim Laloki

haus sik bilong ol mental lain.

Tondop i tok taim ol i raitim dispela ripot, em i kisim wanpela pon namba na wanpela nem olsem Graham tasol na em i ringim em.

Em i kisim dispela namba na ring na man husat i kisim dispela pon i tok nem bilong en em Graham na em Minista bilong em na laik helpim long politik level long kisim sampela mani long stretim dispela haus sik bilong ol mental.

Dispela Graham i tok em mas raitim wanpela ripot na askim long mani mak bilong em mas daunbilo long K20m na go givim em kwik taim long Crowne Plaza long taun.

Tondop i tok CEO i nidim kain mani olsem na wan tu em i raitim dispela ripot na kisim Fainens Dairekta i go daun long hotel na singaut long Minista.

Tasol dispela giaman Minista i tok em i stap long wanpela miting wantaim ol Saina na bai salim bodi gad bilong i go daun long kisim dispela pepa.

Long neks moning, giaman Minista i ring na tok dispela pepa bilong ol em Prais Minista i tok orait pinis na em i laikim K25, 000 nau yet na dispela pepa moni bai redi.

Long Fonde, giaman Minista i ringim CEO na tok em i toktok wantaim PM na stap long Palamen Haus na em laikim dispela mani nau tasol bipo long em igo aut long kantri long sampela wokabaut bilong en.

Kwik taim CEO i go long benk na kisim dispela mani K25, 000 kes na i go long Palamen Haus. Em i ringim giaman Minista na Minista i tok em i stap long wanpela impotent miting wantaim PM na bai salim gad bilong em igo daun na kisim dispela mani.

Dispela sem gad igo daun na kisim dispela mani na karim igo. Bihain liklik giaman Minista i ringim em na tok bihain long 30 minit, em bai kisim sek mani na igo givim long em.

Taim 30 minit igo pinis, CEO i ringim giaman Minista tasol dispela pon we em i ringim em long tripela dei go pinis, i no moa wok na dai.

Tondop i tok dispela CEO i kirap igo insait long opis bilong Minista na ol wok lain i tok em ino go kamap long opis long moning.

Taim em i go long opis bilong PM, wankain, ol wok lain i tok em ino kam long opis tasol em i stap long Morauta Haus. CEO i sot win, Tondop i tok.

# NEC i rausim disisen long saspensim Sir Salamo Injia

Aja Alex Potabe i raitim

NESENEL Eksekutiv Kaunsel (NEC) i rausim dispela disisen long saspensim Sif Jastis, Sir Salamo Injia, long Mande bihain long Suprim Kot jas, Jastis Bernard Sakora, i tokim ol polisman long arestim, o holim Deputi Prais Minista, Belden Namah, na Atoni-Jeneral, Dokta Allan Marat.

Jastis Sakora i bin tokim polis long arestim Namah na Marat aninit long kontemp sas, bikos

tupela i no bin respektim, o bihainim kot, na distebim disisen bilong kot taim Suprim Kot disisen bilong Is Sipik Spesol Refrens, long Disemba 9, i no painimaut yet sapos O'Neil-Namah gavman i bin bihainim loa long kisim pawa.

Namah i tok, NEC i bin tingting long rausim Sir Salamo bikos ol i saspek olsem em i bin gat kontemp sas o sas bilong i no respektim kot, kisim dabol mani, bagarapim Salaris na Remuneresen Komisina long

mani bilong en, na bikpela mani bilong kot em i no bin yusim gut.

Namah i tokim ol nius manmeri long Mande 5:30 apinun, olsem long gutpela bilong nesenel sekyuriti na nesenel interes bilong kantri, kebinet i rausim dispela disisen long saspensim Sir Salamo olsem Sif Jastis bilong PNG.

"Long san taim, mitupela i bihainim loa na respektim toktok bilong kot i kam long Jastis Sakora, na mitupela yet i go lukim Polis Komisina long



RAUSIM DISISEN: Ekting Prais Minista, Belden Namah na Atoni-Jeneral, Dokta Allan Marat, i rausim dispela disisen long saspensim Sif Jastis Sir Salamo Injia long Mande bihain long spesol kebinet miting long 5:30 apinun. Ol arapela kebinet minista tu i stap wantaim tupela. POTO: Nicky Bernard.

Konedobu. Ol polis i eskotim mitupela i kam bek long Boroko Polis Stesen. Mi tupela yet i go insait long Boroko sel bikos nogat wanpela man i stap antap long loa. Wanpela loa tasol i stap antap long yumi, na mitupela i bihainim dispela loa," Namah i tok, taim ol kebinet minista bilong en i lukluk na harim i stap.

Tupela i tok dispela pasin nogut ol i saspek na ting Sif Jastis i bin mekim, i kam yet long biurekresi, o ol wok man aninit long kebinet, na tupela i ting ting long rausim em bikos

nogat wanpela man i stap antap long loa, tasol olgeta man i stap aninit long wanpela loa tasol.

Hap aste taim loya bilong Namah, Manuel Varitimos, i sanap long kot, em i karai wantaim na tok sori long NEC i no respektim Sir Salamo gut.

Varitimos na Loya bilong Marat, John Griffin, i traim long rausim dispela kontemp sas, o sas bilong i no bihainim kot, tasol Sir Salamo na foapela jas bilong Suprim Kot i tok nogat.

Laspela disisen bilong dispela kontemp sas bai kamap long

Disemba 12, tripela de bihain long Suprim Kot disisen bilong Is Sipik Spesol Refrens.

Long Tunde, Prais Minista Peter O'Neill, i kam bek long Hawai APEC miting na, i tok, wanem disisen kebinet i mekim em i bilong gutpela bilong kantri.

Em i tok nogat wanpela man i stap antap long loa. Olgeta man i stap aninit long wanpela loa tasol na NEC i mekim disisen long gutpela bilong PNG olsem wanpela demokretik kantri.

**Gut de olgeta! Klostu Krismas nau na kainkain krismas kad bai flai raun long tok amamas long ol klaiant bilong yu. Sapos yu laik kamapim wanpela krismas kad bilong yu, kam lukim mipela long Wantok Niuspepa na mipela bai disainim wanpela kad long laik bilong yu stret!**



## Ol polis bos tok amamas long wokbung bilong ol lida

WOKBUNG bilong deputi praim minista Belden Namah na Jastis Minista Dokta Allan Marat, i kisim bikpela tok luksave long bosman bilong polis.

Ekting Polis Komisina Tom Kulunga, Metropolitan Suprintenden Joseph Tondop na Sif Operesens, Fred Yakasa i tok wanbel olsem tupela lida i no

bin abrusim loa na go gut long kisim sas long Boroko Polis Stesen, bihainim kot oda i go aut long polis i arestim tupela long kontem ov kot, o go agensim kot.

Ekting Komisina Kulunga i tok ol i no kisim wanpela presa long arestim tupela lida, na tupela

lida yet i soim tru pasin bilong lida long go ol yet long Boroko polis stesen long kisim sas.

Suprintenden Tondop i givim tok lukaut tu olsem i nogat wanpela hevi i stap long dispela samting, na ol lain man nogut i noken tingting long kirapim nating trabel.





1: K5,000 BEIL: Mista Tiensten i wokabaut lusim rum gat long Boroko Polis Stesin long Tunde Apinun. 2: KISIM SAS: Pomio Memba Tiensten i kamap long Boroko polis stesen long go stap long rum gat. 3: TOK HALO: Tiensten i tok halo long ol midia lain bihain long loya man bilong em i kam wantaim beil pepa bilong em. Ol Poto: Andrew Molen

**SWEEP Tas Fos arestim moa man**

# Tiensten – ‘Em namba wan taim bilong mi’ Pomio lida tok em bai bihainim sistem i go inap long pinis bilong en...

TAS Fos SWEEP, we gavman i makim bilong karimaut na sasim husat ol man-meri i paulim mani insait long Dipatmen bilong Nesenel Plening na Monitoring. Dispela wik, ol i sasim namba 13 man bihainim ol wok painim bilong ol.

**Neville Choi i raitim**

**BIPO nesenel plening na monitoring minista, na memba bilong Pomio, Paul Tiensten, i kamap bek long kantri na han bilong polis long Tunde dispela wik.**

Namba 13 man ol i sasim long aste (Trinde), em i bipo Fes Asisten Sekreteri, Fainens, long Nesenel Plening na Monitoring, William Sent. Ol i sasim em long Misapropriesen, aninit long Seksen 383A(1)(a) bilong Kriminal Koud Ekt, na em i stap nau long Boroko Polis Stesen, wetim beil.

Bihain long tupela mun, we Mista Tiensten i bin stap aut long kantri long abrusim ol wok painim i go insait long K10 bilian em i bin tok oraitim long go long Kokopo bisnisman Eremas Wartoto.

Mista Sent i bin wanpela long ol sinia opisa bilong dipatmen husat i bin stap long saspensen long mun Ogas yet. I bin gat sut tok olsem em i bungim tok wantaim Pasto Michael Kui, olsem ol opisal bilong Kerekam Island Cooperative Society na mani ol i bin aplai na kisim, inap long K100,000 long Nesenel Plening na Monitoring. Sent, em i wanpela dairekta bilong Kerekam Islands Cooperative Society.

Ol polisman bilong Frod Skwat, na Investigesen Tas Fos SWEEP, i bin stap long Jacksons ples balus long Tunde long kisim Mista Tiensten na sasim em.

Ol i bin kisim em, i go stret long

opis bilong Nesenel Frod Skwat long Konedobu, we ol memba bilong Tas Fos SWEEP i bin mekim intaviu, o kisim toktok long em long dispela wok paulim ol i sekim.

Bihain tasol long tri kilok apinun, ol polisman bilong Boroko polis stesen i kisim Mista Tiensten i go long rum gat. Samting olsem 5 minit bihain, loya man bilong Tiensten i kamap wantaim ol beil pepa, na em i kamaut long rum gat.

*Wantok Niuspepa* i bin toktok wantaim Mista Tiensten sotpela taim bihain long em i kam aut long rum gat, na kisim tingting bilong em.

“Em i namba wan taim bilong mi long go insait long dispela samting (sas), na mi mas bihainim i go inap

long pinis bilong em. Nau yet em mi mas wetim kot, na lukluk long wanem samting mi bai mas mekim bihain long en,” Mista Tiensten i tok.

Tiensten i bin lusim kantri na go stap long Brisben, Australia, long Septemba 14 yet, bihain long em i ronawe lusim Kokopo we polis i bin painim em long sasim em.

Long Mande dispela wik, Tiensten i tokim loya bilong em Junior Arnold Amet bilong Amet Lawyers, long toksave long Siaman bilong Tas Fos SWEEP, Sam Koim, olsem em i laik kam bek long PNG long go het long wok intaviu wantaim polis. Siaman i tok klia long en olsem i gutpela em i kam bek

sten i kisim sut tok olsem em i bin tok oraitim peimen bilong K10 milian i go long Travel Air Limited, wanpela kampani we i no rejista wantaim Invesmen Promosen Atoriti long taim bilong tok orait i go aut wantaim mani.

Insait long Developmen Baset bilong 2011, dispela mani i bin stap bilong sabsidaisim o halivim long pulim balus fret bilong ol rural eria bilong Papua Niugini, we ol namba tri level balus kampani i wok long sevisim.

Dispela mani, em tasfos i painim aut olsem Tiensten i bin oraitim long go long kirapim Travel Air Limited balus kampani.

*I kam long pes 1*

**Tiensten bai sanap long kot tude**

Amet Jnr i tok, Metropolitan Suprintenden Joseph Tondop, i bin tok orait long rausim Tiensten hap aste long K5, 000 polis beil, na nau moning em bai sanap long kot long stretim dispela tripela sas.

Tiensten i bin ronawe i go long Australia long mun Septemba, na hait long hap, tasol ol Task Fos

Swip i bin holim em hap aste long 8:30 moning long Jacksons Ples Balus, taim em i stap long Cairns, na kambek long Qantas Link balus.

Polis i kisim em i go long Konedobu Polis Hetkwata, na toktok wantaim em, bihain long ol i kisim em i go long Boroko Polis Stesen, na lokim em long 20 minit.

Tiensten em i namba tu saspek ol polis i holim bihain long pastaim ol i holim pastaim eking sekreteri bilong Nesenel Plening, Ruby Zariga, long dispela K10 milian tupela i bin givim long Is Nu Briten bisnisman, Eremas Wartoto.

Ol polis tu bai askim Wartoto long kam toktok.

# KIKSTATIM DEI WANTAIM







## Wok sekim go het yet long Basamuk solwara

OSENOGRAFIK Enjinia bilong Skotis Asosiesen ov Marin Saienses (SAMS), John Beaton (Iephan) wantaim ol wokman bilong em i sekim ol rop bihain long ol i rausim long solwara bilong Basamuk Be long Madang.

SAMS i winim kontrak bilong Nesenel Gavman long karimaut ol

wok glasim long pasin bilong solwara i kirapim das na samting i silip long graun aninit. Dispela glasim bai tok klia moa sapos Dip Si Telings Plesmen (DSTP) sistem bilong Ramu Nikel Main i ken go het.

Namba tu hap bilong kontrak em

long trenim ol envairomen opisa bilong Mineral Risoses Atoriti (MRA) na Dipatmen bilong Envairomen na Konsavesen (DEC).

SAMS tim i bin stap long Basamuk gen long karimaut namba tu lain masin i go daun long solwara long kisim ol riding.

# Australia helpim mani bai strongim wok bisnis long PNG

**WOK strongim Australia gavman i wok long givim long Dipatmen bilong Leba na Industrial Rilesens long kantri bai lukim mobeta ples na sindaun bilong wok bisnis.**

Australia gavman bai givim K1.7 miliar aninit long Ekonomik na Pablik Sekta Progreem bilong AusAID, long sanapim wanpela Leba Maket Infomesen Sistem na givim trenim na stia long ol wokmanmeri bilong dipatmen.

Ektng Hetman bilong AusAID long PNG, Dave Vosen, i tok Dipatmen bilong Leba na Industrial Rilesens, i gat

bikpela wok long mekim long kamapim gutpela ples bilong bisnis i ken groa long PNG.

“Dipatmen i save strongim wankain luksave long sindaun bilong wok na i save kamapim gut sef na helti wok ples bilong ol wokman. Long gat gutpela sindaun bilong ol bisnis long groa long PNG bai kirapim moa wok na kamapim gutpela sindaun bilong ol pipel long kantri,” Mista Vosen i tok.

Sekreteri bilong Leba na Industrial Rilesens, George Vaso, i tok halivim bai larim diptamen i kamapim mobeta

wok bilong lukautim ol wokmanmeri bilong en, na sanapim ol gutpela regulesen sistem, kamapim moa wok na opim moa rot bilong wok bisnis.

“Dispela sapotim bai lukim dipatmen i givim mobeta leba maket namba na stori, na gutpela stia long gavman bilong PNG long plenim ol developmen polisi bilong givim sevis long pipel bilong PNG,” Mista Vaso i tok.

Ekonomik na Pablik Sekta Progreem bilong AusAID bai givim samting olsem K20 miliar long sapotim ol bikpela PNG gavman ejensi long 2011 i go 2012.

# Sekyuriti i dai

## Bustin Anzu i raitim

OL STILMAN i sutim wanpela sekyuriti man dai bihain long em i laik pasim get bilong ka pak bilong wanpela bikpela stoa long Mosbi siti las wik.

Sekyuriti i laik pasim get bilong dispela ka pak bihain long em i lukim olsem ol stilman i holim pasim wanpela meri na kisim liklik han beg bilong em na laik kisim kar na i go aut long dispela ka pak.

Bos bilong polis long NCD Superintenden Joe Tondop i tok dispela dai i kamap taim dispela sekyuriti gat i laik helpim wanpela meri husat em ol stilman i kisim mani bilong em insait long get bilong SVS Stoa long Haba Siti long Konedobu long trinde wik i go pinis.

Tondop i tok dispela meri, husat i mama bilong wanpela bisnis insait long siti, i go insait long ANZ benk na kisim sampela mani na bihain i go long SVS stoa na

painim sampela samting na bihain i go sanap long get i go insait long stoa long wetim kar bilong em taim tripela stilman i bungim em na pulim bilum bilong em na ronowe i go long ka pak, i go insait long kar bilong ol.

Taim Kori Sekyuriti Gat i lukim olsem, ol i hariap tru na laik pasim get bilong ol kar i save go aut.

Long dispela taim, Tondop i tok ol stilman i rausim gan na sutim dispela sekyuriti gat long bel bilong em.

Ol stilman i go olsem long Lawes Rot (road) lusim kar long hap, na bihain kalap long narapela kar na ronowe i go.

Tondop i tok sekyuriti gat em ol i kisim i go long Pot Mosbi Jeneral Haus sik, tasol em i lusim planti blut na indai.

Tondop i tok long ol dispela de i go pinis, planti kar i bin lus long han bilong ol stilman long siti na ol i stap aut yet.

Planti em ol i no inap painim.

## Namba wan mama graun Hevi Ikwipmen Opereta kisim luksave



GAT NAMBA: Rose i sanap long fran bilong bikpela kar em i save draivim. Nau em i ken givim save em i gat long ol nupela treni wokmanmeri.

BIHAIN long foapela yia hatwok na stronpela bilip tru long kisim save, Rose Sogowa, wanpela hevi ikwipmen opereta (HEO), o meri i save draivim ol bikpela masin long main.

Wantaim wanpela setifiket tasol long wok sekreteri, Rose i soim klia olsem sapos yu gat inap bilip, yu ken inapim wanem samting yu laik long laip bilong yu.

Long kirap bilong dispela mun, Rose i kisim luksave na promosen long wok bilong em olsem main treni na supavaisa long Hidden Valley Operesens Maining dipatmen bihain long em i wok olsem wanpela HEO.

Rose em bilong Winima ples, wanpela

long tripela bikpela papagraun ples insait long Hidden Valley main long Bulolo.

Promosen bilong Rose, em i namba wan kain promosen wanpela asples meri i kisim long main. Insait long main operesens dipatmen, em i wanpela meri HEO tasol i wok.

“Olsem namba wan meri treni na supavaisa, mi laik kamap wanpela gutpela piksa bilong ol arapela asples meri opereta, long mekim ol i luksave olsem i gat sans bilong wok i stap, sapos yu wok hat, strongim bilip bilong yu long wok bilong yu, na bai yu ken luksave long strong tru bilong yu,” Rose i tok.

Insait long las tupela mun, faivpela long

ol asples wanwok bilong Rose i kisim promosen long wok lida. Foapela long ol em ol asples.

Foapela yia i go pinis, Rose i bin gat laik long draivim ol bikpela kar, bihain long em i harim ol stori long ol opereta i kisim malolo na go bek long ples.

Long Me 2008, em i kirapim wok bilong em insait long maining dipatmen olsem wanpela long ol namba wan tripela asples meri treni HEO.

Rose i tok em i wanpela bikpela salens bikos wok HEO long dispela taim, em planti i lukim olsem wok bilong ol man tasol.

# Ilektrol Komisin i stretim ilektrol rol long rere long karimaut Ileksen 2012

**MINISTA bilong Stet long Halivim Praim Minista long Loa, Wake Goi, i tok, PNG Ilektrol Komisin (PNGEC) i nau rere long karimaut Ileksen 2012, tasol namba wan samting ol bai apdetim ilektrol rol bilong olgeta provins.**

Detlain, o de bilong bilong pinisim wok apdet bilong pinisim rol em i 31 Octoba, 2011, tasol planti provins i no bin pinisim long taim stret.

Ol provins husat i apdetim ilektrol rol bilong ol, na putim data i go insait pinis long ilektrol databases, bai Ilektrol

Komisin i prinitim ilektrol rol bilong ol na salim i go long wan wan kaunsel wet long ol bai lukim na stretim gen long 2012.

Wes Nu Briten, Sentral na Oro Provins tasol i pinisim ilektrol rol apdet bilong ol.

Nau yet, PNGEC i sekim nem bilong manmeri insait long olgeta kaunsel wod insait long Niugini Ailans, Momas na Sauten Rijin.

Bilong Hailans rijin i no yet, olsem na PNGEC bai salim moa mani i go antap long hariapim wok.

Ilektrol rol apdet bilong Simbu na Isten Higlans

em i kamap gut tru.

Hela na Jiwaka tu i nau stretim ilektrol rol bilong tupela. Fil wok i stat long Enga na Sauten Hailans Provins, tasol ol i no apdetim ilektrol rol long Westen Hailans yet.

Long Niugini Ailans, Iektoral Komisin i sekim nem bilong ol manmeri long Is na Wes Nu Briten, Manus na Nu Ailan, tasol Atonomus Rijen bilong Bogenvil i no yet.

Sait long Momase, manmeri long Is na Wes Sipik, husat i inap long vot, i raitim pinis nem bilong ol

long ilektrol rol tasol Madang na Morobe i no yet.

Long Sauten Rijen, Westen Provins tasol i stil stap baksait yet. Olgeta provins i mekim apdet i stap, na i no long taim Milen Bei bai pinisim bilong en.

Long wankain taim, PNGEC i nidim mani long baim ballot bokis, ballot pepa, ink na ol arapela samting long ronim gut dispela ileksen.

Goi i tok, nesenel gavman i bin kisim K9 milian dinau mani long PNGEC

long ronim tupela bai ileksen – Not Bogenvil na Kundiawa – long dispela yia, na i mas bekim dispela mani long PNGEC bai ronim Ileksen 2012.

Ileksen 2012 bai kamap olsem:

- Givin Aut ol Rit Pepa : Fraide 27 Epril 2012 (4-kilok apinun)
- Nominesen : Fraide 4 Me 2012 (4-kilok apinun)
- Poling i op: Sarere 23 Jun 2012
- Polin i pas: Fraide 6 Julai
- Kisim Bek ol Rit Pepa : Fraide 27 Julai 2012

## Hela na Jiwaka baundri ripot bai go long Palamen

Aja Alex Potabe i raitim

RIPOT bilong Baundris Komisin i nau rere long go insait long Palamen, bihain long wan wik, long mekim laspela disisen long larim tupela nupela provins, Hela na Jiwaka, i go het long Eleksen 2012, na mekim tupela kamap olsem ol arapela provins.

Sapos Palamen i tok orait, pipel bilong Hela na Jiwaka bai votim ol memba bilong ol yet aninit long nupela provins bilong tupela yet, bikos Baundris Komisin i katim boda mak pinis, na pipel bilong Hela na Jiwaka bai no moa stap aninit long Sauten Hailans na Westen Hailans provins.

Tasol Nipa-Kutubu long SHP na Angilimp-South Waghi (WHP) bai stap yet aninit long olpela provins bilong tupela yet.

Minista bilong Stet long Halivim Praim Minista long Loa, Wake Goi, na Sif Iektoral Komisina, Andrew Trawen, husat i siaman bilong Baundris Komisin, i tokim ol nius manmeri long Fonde wik i go pinis, olsem ol i makim boda bilong provins na open ilektoret pinis.

“Mi amamas tru long tokim pipel bilong Hela, Jiwaka na PNG, olsem mipela i katim boda mak pinis na ripot bilong Baundris Komisin i nau rere long go insait long Palamen long Novemba sindaun,” Minista Goi i tok.

Long Palamen long mekim laspela disisen, Goi i tok, em bai givim dispela 72-pes ripot na rekomedesen, wantaim 10-pela A3-sais mep soim ples klia boda mak bilong provins na open ilektoret insait long Hela na Jiwaka.

“Long Ogas 28 – Septemba 5, siksipela man bilong Baundris Komisini i bin go long Hela na Jiwaka, we ol i bin holim publik toktok wantaim kaunsel presiden na ol lida long ples long kisim tingting bilong ol pipel,” Goi i tok.

“Insait long dispela tupela wik tasol, Baundris Komisin i bin holim publik toktok long kisim tingting bilong manmeri long Koroba stesen, Tari taun, na Margarima stesen insait long Hela, na Banz na Minj stesen long Jiwaka,” Minista i tok.

Goi i tok tenkyu long Siaman bilong Baundris Komisin, Andrew Trawen, na faivpela komisina bilong en, long mekim olgeta hatwok insait long liklik taim tasol long kamapim boda mak bilong Hela na Jiwaka.

Em i tok, rivi bilong olgeta boda mak bilong olgeta provins insait long kantri inap long kamap, tasol long disisen bilong gavman, ol i lukluk pas long Hela na Jiwaka pastaim.

Minista i tokaut olsem, maski truru planti manmeri bilong Hela na Jiwaka i bin amamas tru long wok bilong Baundris Komisin,

wanwan manmeri tasol i tingting planti na toktok agensim wok bilong Komisin.

“I no gutpela long manmeri husat i no bin stap long hap long givim tingting bilong ol long

Baundris Komisin long publik toktok taim long tingting planti olsem komisin i gat asua long makim boda bilong provins,” Goi i tok.

Em tokim ol dispela kain man-

meri long noken toktok agensim Baundris Komisin taim ol i mekim gutpela wok tru na bihainim laik bilong Hela na Jiwaka pipel, na tu bilong pastaim na nau gavman.

# MASSIVE HOME FURNITURE

CHRISTMAS CLEARANCE SALE!!

DON'T MISS THIS!!

HURRY WHILE STOCKS LAST!!



UP TO 60% OFF

ONLY AT THEODIST

CALL OUR SALES TEAM TODAY!

WAIGANI DRIVE, PORT MORESBY  
Ph: 325 6500 Fax: 325 0302 Email: sales@theodist.com.pg
MARKHAM ROAD, LAE CITY  
Ph: 472 5488 Fax: 472 7838 Email: saleslae@theodist.com.pg



**THEODIST LTD**  
THE STATIONERY SUPERMARKET

## TELL update

**Telikom PNG Christmas Promotion**  
Celebrate this Christmas with Telikom PNG to save more and win fabulous prizes.

**• International Calls 48t per min**  
Use Citifon, Fixed wireless phone and prepaid land line to all your loved ones in Australia, New Zealand, China, India, Fiji, Philippines and Malaysia for only 48t per minute ALL DAY ALL NIGHT.

**• Top Up & Win**  
Top Up your voice or data account from K5 to K50 Telikad and enter the weekly draws to win K1000 worth of Telikad. Or buy a new Citifon, Fixed Wireless Phone or Internet dongle to get free K20 Telikad. Top up your new connection to enter the draws. All Top Up entries go to all the draws and the Grand Prize Draw to win a Nissan 4-Door. The more you Top Up, the more chances you get.

**• 19t/MB Anytime**  
Enjoy Fastest browsing with Telikom's 3G and 4G internet products at lowest rates for only 19t/MB ANYTIME. Hurry! Purchase an internet dongle or Wimax today to enjoy the lowest internet rates this Christmas. Promotion starts on 4th November 2011 and runs through the Christmas Period.

**How to Top-Up for Voice and data accounts**  
With Telikad being used as a top-up card, you can recharge your Telikom EVDO internet dongle, Wimax, Fixed Wireless Phone and Citifon accounts:

**• Voice Account**  
• Dial 1255 then follow voice prompts  
• Select 2 to recharge your account  
• Press 1 for voice account  
• Press 2 to recharge using Telikad  
• Enter your card number followed by the # key  
• Enter your phone number followed by the # key

**• Data Account**  
But when topping up your data account it is important that you carefully select the account you wish to recharge; i.e. Fixed Wireless Phone data account or the EVDO dongle account. Specify these accounts by entering the correct user numbers.  
• Dial 1255 then follow voice prompts  
• Select 2 to recharge  
• Press 2 to recharge Data account  
• Press 2 to recharge using Telikad  
• Enter your user number followed by the # Key  
• Then enter your prepaid card number followed by the # key

**Credit Transfer**  
Having used your Telikad as Top-Up card you then have the option of transferring credits to another phone or an internet data account.  
• Simply dial 1255 and follow voice prompts.  
• Select option 3 on the main to transfer credits  
• Enter the amount you wish to transfer to another prepaid account followed by the #key.  
• Enter prepaid number you intend to send the credits to followed by the # key.

**ENJOY PNG's BEST RATES WITH Citifon**

	calling	per min
CITIFON TO CITIFON	2t	1t
CITIFON TO BEMOBILE or DIGICEL	39t	10t
CITIFON TO LANDLINE	29t	
CITIFON TO FIXED WIRELESS	29t	



# Ol Pomio mama laik kisim bek graun

Michael Novingu i raitim

**“LONG Pomio, mipela ol meri i mama long graun; mipela laik kisim bek graun bilong mipela. “Nogat gutpela tokorait wantaim mipela, pastaim long ol i sainim tok orait wantaim kampani Gilford long karimaut wok bisnis long graun bilong mipela.”**

Scolar Kompunrea na Sekunda Gwemor, bilong hap graun 196c long Pomata Invesmen Limitet long Memalo Intagretet Projek hap

long Wes Pomio i mekim dispela tok long Spesol Agrikalsa Bisnis Lis (SABL) inkwairi long Kokopo las wik.

Bosman bilong Inkwairi, Alois Jerewai, i askim ol meri long inkwairi olsem ol i save long dispela tok orait ol i sainim long kirapim wok bisnis long graun bilong ol, o nogat? Ol meri stap long inkwairi i bekim olsem ol i no save long wanpela samting pastaim long ol i sainim tok orait long wok bai go het.

Jerewai i tokim ol meri olsem sapos ol i brukim tok orait, ol i sainim pinis wantaim kampani Gilford, bai ol i bekim mani mak olsem K10 bilian long ol wok ol i kirapim pinis. Em i tokim ol papa na mama graun olsem kampani Gilford bai yusim graun bilong ol long planim ol kes krop, na arapela samting olsem haus, rot na bris taim ol i wok antap long graun bilong ol long 60 krismas.

“Yupela bai nogat!”  
Moa yet em, em i tok, bihainim

long 60 krismas, kampani i laik wok go moa yet long tripela ten 30 krismas o givim bek graun bilong ol asples.

Jerewai i tokim Scolar na Sekunda olsem sapos yupela laik kisim bek graun bilong yupela bai yupela bekim bek moni bilong kampani long ol wok ol i kirapim pinis long graun bilong yutupla. Moa yet, em i tokim ol Papa mama graun olsem “sapos yupela laik kisim bek graun bilong yupela bai

yupela bekim moni mak olsem K10 bilion long kampani Gilford long ol wok ol i kirapim pinis long graun bilong ol”.

Jerewai i askim ol witnes sapos ol i save wanem kain tok orait mama kampani bilong ol i sainim wantaim kampani Gilford.

Ol witness i tok ol i no save long wanpela samting long wanem kain halivim ol bai kisim taim kampani i kirapim wok long graun bilong ol.

## Dion laikim moa wokbung long helt

Michael Novingu i raitim

**“MASKI helt sevis bilong mipela i bagarap pinis, yumi mas wokbung wantaim long kirapim helt sevis i mas go long ol rurel hap bilong mipela long kisim sevis i go long ol manmeri,”** Gavana bilong Is Nu Briten, Leo Dion, i tok long namba tri Provinsal Asembli Miting long Kokopo las wik.

“Maski yumi tok bai nogat hevi i kamap, tasol yu mas wokbung. Sekim ol haus sik na helt senta. Noken larim ol i bagarap. Ol i mas givim sevis long ol manmeri,” em i tok.

Mista Dion i tok Rabaul medikal stoa i paia pinis; em i save givim helpim long saplaim marasin long ENB na Niugini Ailan, moa yet em i tok, medikal stoa i lukautim ol marasin samting olsem K3 milian i bagarap

long paia.

“Yumi no lukautim gut dispela medikal stoa, na i bagarap na paia,” Dion i tok. “Dispela pasin i no stret, we Helt Dipatmen i rentim wanpela haus long K216,000 long wanpela krismas long putim marasin bilong ol. Tok orait em bilong tripela krismas taol, na nau, em i go moa long tripela krismas rentim dispela haus.”

Dion i tok ENB bai wokim nupela haus sik long Potpot, tasol ol pipel i mas lukautim.

Em i tok provinsal eksekutiv i no mekim disisen o givim tok orait long provinsal helt atoriti, bikos sampela samting i no stret yet.

Em i askim ol haus sik na helt senta long wok bung wantaim long kisim helt na sevis i go long ol manmeri.

## Se Paulias tok strongim atonomi bilong ENBP

Michael Novingu i raitim

ASKIM i go long nupela gavman long givim luksave long Is Nu Briten provins long lukautim sindaun bilong em yet.

Bipo Gavana Jeneral, Se Paulias Matane, i mekim dispela singaut long O'Neill-Namah gavman long givim provins atonomi.

Se Paulias i tok provins i askim long kisim ful atonomi long taim pinis, tasol ol i wet yet long gavman long kisim tok orait long ol.

Em i tok ENB i gat olgeta samting long lukautim ol yet.

Se Paulias i tok ol manmeri

long ENB mas yusim save ol i gat long kirapim wok developmen long ol komyuniti bilong ol long lukautim sindaun bilong ol.

Moa yet, em i tok maski long kisim strong na sapot long gavman, long mani na ol samting long kirapim provins i go het.

“Samting olsem 85% long olgeta manmeri long ENB i ken wokim ol wok long kirapim gutpela sindaun bilong ol,” Se Paulias i tok.

Em i tok ol manmeri mas makim ol trupela na stretpela lidaman long kisim developmen i go long ol komyuniti bilong ol.

Em i tromoi salens long ol savemanmeri bilong ENB, husat nau i wok stap nating long ol arapela provins long kantri, long go bek long ples long kirapim wok redi long kisim atonomi.

“Bilong wanem na yupela i lusim asples bilong yupela? Kam bek na yusim save yupela i gat long en long kirapim wok developmen long kisim sevis i go long ol manmeri,” Se Paulias i toktok strong long ol manmeri long ENB long wokbung wantaim long kamap papa long ol bus-graun o envairomen bilong ol.

## Liklik buk givim stia



**NOKEN ABRUS:** Kim Gordon Bates bilong Intanesenel Komiti bilong Red Kros (ICRC) i suvim liklik buk bilong stiaim ol polisman long gutpela na stretpela pasin bilong wok ol i holim, i go insait long siot poket bilong Sif Operesens, Fred Yakasa. Dispela buk, em i liklik, na inap long sindaun gut insait long poket bilong siot yunifom bilong polis, olsem Mista Gordon Bates i soim.

**Poto na Stori: Nicky Bernard**



## PABLIK NOTIS LONG EASIPAY BAI PAS

PNG Power i laik toksave long ol Easipay kastoma long PNG olsem Easipay sistem bai pas long Sarere, Novemba 19, 2011, long 10-kilok nait i go long Sande, Novemba 20, 2011 long 10-kilok moning.

Dispela pasim bai karamapim tu ol Digicel sevis, na ol ples bilong salim Easipay i konek i go long PNG Power Nesenel opis. Ol Easipay kastoma bai mas baim ol Easipay Yunit bilong ol pastaim long 10-kilok nait long Sarere, Novemba 19, 2011 long ol ples bilong baim pawa, o long Digicel sevis long abrusim hevi.

Mipela laik toksave long ol kastoma olsem ol i mas baim inap pawa kredit long karim ol i go inap long Mande, Novemba 21, 2011, nogut i gat sampela ol dilei o hevi long taim bilong kirapim bek sistem. Daunbilo em sampela ol stoa we I no konek I go long PNG Power Ofis we ol Easipay kastoma i ken baim Easipay bilong ol long taim sistem i pas.

Pot Mosbi	Goroka	Kokopo	Madang
SNS Badilli	Papindo Stua	Andersens Foodland	PPL Opis
Vision City	PPL Opis	Garden Enterprise	
PPL Nesenel Opis long Hohola		Vudal Yunivesiti	Kainantu
PPL Kastoma Sevis Senta – Ahuia Strit Gordons	Mt Hagen	Warangoi Properties	PPL Opis
Sentral Waigani Stop and Shop supamaket	PPL Opis		
	City Pharmacy	Wewak	Buka
Angoram		PPL Opis	PPL Opis
PPL Opis			

PNG Power i laik tok sori long wanem hevi em i givim.  
**Toksave i kam long Koporet Rilesens**



# Rosemary Sovek i kisim Komyuniti Risponsibiliti Awot



KISIM AWOT: (L-R) Rosemary Sovek (name) i kisim Trukai Komyuniti Risponsibiliti Awot, taim Maryanne Hereva bilong Trukai Industries na Ruth Kede a bilong Westpac Bank i lukluk. Foto: Trukai Industries Ltd

## Save i ken helpim:

Sampela stiatok long helpim givim kaikai long pusi bilong yu.

Watpo na pusi bilong yu i no laikim kaikai yu givim long em?

Senisim fleva: Bai yu ting olsem yu laik amamasim pusi bilong yu taim yu givim em nupela kaikai. Tasol planti pusi na moa yet, ol bikpela pusi i no laik senisim kaikai na fleva o teis. Bai em i hat tru long pusi i laikim nupela kaikai na nupela teis. Na sapos yu laik givim nupela kaikai long pusi bilong yu, mekim isi isi long sampela de.

*I kam long "Burke's Backyard" megesin.*

Planti ol meri na mama i save mekim gutpela samting long kamapim gutpela sindaun long komyuniti, tasol planti taim ol manmeri, bisnis na gavman i no save luksave long wok ol i save mekim long kamapim gutpela sindaun.

Westpac Women in Business Award (WWBA) i save luksave long ol meri long komyuniti, husat i save wok hat long halivim ol turangu manmeri na pikinini, toktok na mekim awenes long ol samting bagarapim PNG nau, mekim bisnis, na sampela ol gutpela samting ol i bin mekim long laip bilong ol yet.

Westpac Benk i bin kamapim dispela awot faivpela yia i go pinis, na bilong 2011, Rosemary Sovek, husat i 44-pela krismas, na i save stap long Rabaul, Is Nu Briten, i kisim dispela awot.

WWBA Awot i gat faivpela difren awot i stap. Dispela mama bilong foapela pikinini meri na husat i gat eitpela bubu, i kisim Trukai Komyuniti Risponsibiliti Awot, bikos Trukai i luksave long em olsem wanpela

meri menesa bilong wanpela non-gavman ogenesesen (NGO) long ENBP yet, ol i kolim Malaguna Komyuniti Beis Ogenesesen.

Maketing na Komyuniti Sevis Menesa bilong Westpac Benk, Ruth Kede a, i tok, Sovek i save lukluk long HIV/AIDS awenes long komyuniti, halivim ol meri husat ol man i save bagarapim ol, promotim agrikalsa, na tu i bin halivim ol meri na mama taim tupela maunten paia birua o volkeno i bin kamap long Tavurvur na Matupit wantaim long 1994.

Nau tu Rosemary i save sapatim na halivim ol meri long dispela hap ples taim maunten paia birua i kamap na bagarapim wara, gaden kaikai, haus, skul, haus sik, na ol arapela samting tu.

Sovek i kisim awot na tok tenkyu long Westpac na Trukai long luksave long wok bilong en long Rabaul.

"Mi amamas stret na tok tenkyu long ol famili bilong mi, man bilong mi husat i save sapatim mi, na ol lain bilong mi long Rabaul yet. Mi tok tenkyu tu long Gavana bilong Nu

Ailan, Sir Julius Chan, long olgeta sapat em i save givim long Malaguna na Is Nu Briten pipel," Sovek i tok.

Sovek em i namba tu siameri bilong Rabaul Distrik AIDS Komiti, mausmeri bilong lokol bisnis haus long ENB Semba bilong Komes, na i save wok bung wantain sios, kaunsel, polis, provinsel gavman, haus sik, ol bisnis, na ol memba bilong palamen long karim gutpela sevis long lukautim pipel.

Embesi bilong Amerika (USA) i tokim em pinis long aplai long go long wanpela bikpela bung bilong ol meri olsem em yet long Arizona.

Dispela bung bai lukim 10,000 meri i kam long difren kantri na bai ol i bung long Thunderbird Skul bilong Globol Menesmen (School of Global Management) long Arizona.

Sapos em i laki, Sovek bai kamap wanpela bilong dispela 10, 000 meri, husat bai i gat sans long tokim wol long wanem kain samting ol i save mekim long ples bilong ol.

# GLOBE

....the perfect choice

## VITAMIN ENRICHED

More Easy, More Tasty, More Healthy.





# PNG gat nupela Mis Saut Pasifik PNG kwin

**CROWNE Plaza Hotel long Mosbi i bin pulap kapsait las wik Fraide nait wantaim ol manmeri husat i bin bung long lukim ol lain i bin go insait long Mis Saut Pasifik PNG resis, na husat tru i win na kamap kwin long dispela yia.**

Long 7-pela yangpela meri husat i bin mekim bikpela hatwok long wan wan i kamapim K300,000 bilong givim i go long PNG Red Kros long helpim ol turangu, ol lain i kisim taim nogut long ol netserel birua, ol siklain, ol disebol o lain i gat sampela

bagarap long ol hap bodi bilong ol na ol lain i stap long ol kain hevi moa olsem.

Meri i bin winim dispela resis em long Sarah Karo, husat i bin sanap long resis olsem Mis Namba Wan Trofi Limited.

Em i gat 24 krismas na em i hap Hula na ples Gabagaba insait long Sentrel provins yet. Nau yet em i go insait long Mis Saut Pasifik PNG resis, em i skul long Australia.

Mis Karo bai makim PNG olsem kalsa ambaseda long Mis Saut Pasifik resis long Samoa wantaim ol narapela meri i resis

long ol arapela kantri long Pasifik.

Faipela eria we ol bin glasim ol dispela 7-pela yangpela meri long en em long putim klos ol i wokim long bilum, sarong o laplap, talen o save, tumbuna klos na intevyu long stes.

Mis Karo i bin winim resis taim em i win long ol eria olsem naispela tumbuna klos, Mis Turisim, Mis Pipels Sois, na win long putim gutpela laplap.

Olsem hap long win bilong em, Mis Karo i kisim K8,000, ol sia set, flet skrin TV na

raun i go long Samoa.

Meri i kam namba tu long em, Mis Deke-nai Konstraksen, Yalindu Poya i bin kisim K5,000, maikrovev aven na plet set bilong kaikai long en. Namba tu rana-ap em Mis Franjipeni Kar Haia em Navancca Leeanne Eyres i kisim K3,000, stov bilong kuk long en na bet. Namba tri rana ap em Mis Leahy Lewin Nutley Sullivan, Augaia Jane Daltron i bin kisim K1,000 na narapela 4-pela yangpela meri i bin kisim sampela ol prais.



**Yut, Meri na Famili wantaim Lorraine Siraba**

## Famili Yunit wok long bagarap

PLANTI ripot i kamap long ol niuspepa long salim ol bebi i wok long go bikpela na tu, ol pikinini i stap long praimer skul yet na ol i wokim pamuk pasin.

Dispela i kamapim askim long planti lain olsem ol papamama bilong ol dispela pikinini i stap we na tu, tingting bilong planti PNG manmeri i wok long paul.

Famili yunit em i as bilong sekyuriti bilong pipel we God yet i kamapim. Baibel i toktok long famili i groa na kamapim wanpisin na bihain, kantri i go long olgeta hap bilong wol we pikinini i kisim lainim pastaim bipo em i go aut long sosaiti. Tasol nau, famili i wok long go bagarap.

Famili i lusim rot we em i go long em o samting em i sapos long wokim na i sanap long en? Pastaim, famili yunit em namba wan ples we man na meri i groap na lainim ol pasin, velyu, rot bilong mekim ol samting na ol narapela samting long stiaim man na meri long laip bilong develop na groa long bihain taim long ren.


Taim pipel bilong PNG i mekim ol samting i no stret, olsem salim bebi, em no gutpela bikos dispela i min olsem yumi lusim rispek o luksave bilong yumi olsem ol manmeri i gat tingting. Taim famili i lusim velyu na gutpela pasin dispela i min olsem ol man i putim bikpela tingting long ol samting bilong graun na pipel i nogat luksave long humen laip na sosaiti tu i bagarap.

Dispela i no gutpela rot na em kain kain kalsa we yumi noken larim i groa na go insait long ol nupela jeneresen pikinini bilong tude, moa yet, taim ol i skelim kantri long strong bilong besik faundes, em famili.

Plantu hevi i kamap long ol eben senta olsem ol taun na siti em bikos man na meri i no wok long plenim sais long famili bilong ol. Ol pikinini we papa na mama i no tingting long karim tasol ol i kamap olsem ol "eksiden pikinini", em ol i tro-moim ol nabaut long lukautim ol yet bikos ol i nogat plen o mani long lukautim ol.

Tasol yumi noken givap long famili, nogat. Yumi mas wok wantaim long strongim famili na skulim ol gutpela samting olsemepasin bilong luksave long ol yet, wanpela narapela na atoriti. Dispela i singautim yumi long go bek long Baibel na glasim wokabaut bilong yumi wantaim God.

Bikman i putim stendet o level na ol velyu long ol famili na sapos yumi laikim kantri bilong yumi i wanpela gutpela kantri bai givim gutpela piksa long ol narapela, yumi mas bihainim gutpela Kristen pasin long sevim famili i wok long bagarap nau. Strongpela kantri i mas sanap long gutpela strongpela faundes o as na dispela em long ol trupela samting i stap long buk Baibel.



## PNG SUSTAINABLE DEVELOPMENT PROGRAM LTD



### Wara, em i bikpela samting long Gadaisu

Save long wara, na sanitesen menesmen? Bai mi tok wanem, mipela olgeta i nidim dispela kain save! Maski long pulim stori tumas, gutpela sindaun bilong yumi olgeta long wan wan de i save bihainim helt ples, na gutpela wara, na gutpela lukautim long bodi.

Long 2009 insait long weskos bilong Milen Be, PNGSDP i sapotim nid bilong wanpela komyuniti long kisim gutpela klin wara na sanitesen long pasim wanpela autbrek o bruk bilong sik kolera long Sentral nambis i go olgeta long Milen Be, wantaim halivim i kam long liklik komyuniti bilong Gadaisu. Projek patna em Milen Be Sios Developmen Asosiesen (MBCDFA), husat i bin laikim moa save, na i no ol tang bilong wara, samting bilong plaming, na kapa, we ol i kam sanapim tasol na ol i go. MBCDFA i bin go insait tru long painimaut wanem ol pasin na samting i mas senis long kamap mobeta bilong komyuniti.

Namba wan wok bilong strongim save bilong komyuniti long besik haijin, o pasin bilong lukautim gut bodi i bin kamap, na i ron gut tru. Insait long dispela wok, Viles Wara na Sanitesen (WATSAN) komiti i bin kirap, na wok bilong ol em long strongim na lukautim ol wara pam na samting. Wantaim bikpela luksave na wanbel namel long olgeta lain, teknikal wok bilong projek i bin go het gut.

Wan wan famili i baim ol 'ventilesen impruv pit' (VIP) toilet na ol 'tippy tap' we i gat wanpela pedal bilong lek i silip long en, bilong opim ron bilong wara i kam long kontena bilong wasim han, bihain long man i yusim toilet. Tupela bikpela wel o hul wara (go daun 3 na 4 mita), em ol ples manmeri yet i simenim insait bilong en, wantaim tupela piston lift pam. Wanpela 9,000 lita renwara tang na tupela 2,000 lita tang i bin sanap tu wantaim wara saplai sistem i ron i go long ol arapela hap insait long ples. Olgeta dispela samting, em ol i plenim gut na sanapim bihainim sindaun bilong ol manmeri insait long ples Wainom, Kaifuona, Godidi, na bikpela ples Gadaisu. PNGSDP i givim K49,998 bilong baim olgeta samting na kaikai bilong hatwok i kamap gutpela tru. Samting i gutpela moa, em i wok i kam long ol asples manmeri. Manimak bilong save, na hatwok i kam long komyuniti, em i sanap olsem K20,000.

Bipo ol i bin wanpela komyuniti i save pulim wara long ol hulwara we i nogat gutpela insait bilong en, long graun. Tasol nau Gadaisu komyuniti i gat namba long nupela save na strong ol i kisim long wokim ol dispela simen hulwara.

Mipela long PNGSDP na tu komyuniti bilong Gadaisu tu i no save olsem insait long dispela wanpela yia, dispela liklik komyuniti, i gat 290 pipel long en, bai kamap olsem namba wan ples bilong pait na daunim sik kolera i go long Milen Be. Kolera i no abrusim ol taim em i ron i go olsem long sauten rijen.

Mi tingim klia tru taim ol meri Gadaisu i tokim mi olsem ol i bel isi nau bikos ol i gat ol toilet bilong ol yet long yusim, na ol i no inap long yusim bus bilong toilet moa. Ol i amamas tru long wara saplai i go insait long ples bilong ol.

Mi givim luksave long yupela, ol pipel bilong Gadaisu, na mi laik strongim yupela long amamas long hatwok bilong ol han bilong yupela, na lukautim ol dispela liklik samting, we mipela ol lain manmeri long taun i no save luksave long bikpela strong bilong en.



**CEO: David Sode**

*I kam long tebol bilong CEO (Article #19 bilong 2011)*



# Dokta Sinebare em i nupela Edukesen Sekreteri

**NESANEL Edukesen Dipatmen i gat nupela sekreteri, na dispela man em Dokta Musawe Sinebare.**

Wanpela seremoni i bin kamap long las wik Fonde long Mosbi long tok welkam long Dokta Sinebare, na tok tenkyu long Dokta Joseph Pagelio, husat i bin holim wok ya long longpela taim, na mekim planti ol gutpela wok kamap.

Dokta Sinebare i no nupela man long edukesen long kantri long wanem, em bin wanpela bikman long Yunivesiti bilong Goroka, pastaim long em i kam long Nesanel Risets Institut (NRI).

Long NRI, Dokta Sinebare i bin holim wok olsem Deputi Dairekta.

Long hend ova tek ova seremoni toktok em i mekim, Dokta Sinebare i bin tokaut long 4-pela eria we ol salens i stap na em i laikim Edukesen Dipatmen long lukluk long en.

Dispela em ol eria olsem Autkam Beis Edukesen o OBE, we em i laikim gavman long kamap wantaim smatpela streteji o plen long rausim OBE na kamapim Objektiv Beis Edukesen.

Em i tok gavman i wokim disisen pinis long rausim OBE, tasol em i wok bilong em long lukim olsem ol plen na wok long go hetim dispela i mas kamap.

Rihabilitesen bilong ol Edukesen Sekta Infrastraksa (RESI) i wanpela eria we gavman i katim bikipela

manimak olsem K40 milian long ol skul i aplai long ol fan na stretim ol skul bilding, ol klasrum, ol laboretori na ol haus slip bilong ol tisa na ol sumatin (long ol boding skul).

Long dispela eria, Dokta Sinebare i salensim Dipatmen long kamapim wanpela gutpela plen we bai tilim gut mani i go long olgeta skul na bai nogat asua, wantok sistem pasin, o korapsen.

Long Nesanel Skul ov Ekselens, Dokta Sinebare i salensim Dipatmen long skruim wok bai dispela tingting i ken karim kaikai.

Long sait bilong ol Skul Sabsidi, nupela sekreteri i salensim Edukesen Dipatmen long painim ol gutpela rot long tilim ol sabsidi mani

gut long olgeta skul long kantri.

Em i tok wanpela gutpela rot em long ol opisa bilong Edukesen Dipatmen yet long dipositim o putim ol sabsidi mani i go stret long ol benk akaun bilong skul, na i no ol dipatmen opisa i raun i go long ol skul long ol provins long givim ol sekmani.

Em i tok Dipatmen i mas painim gutpela rot long lukim olsem ol skul i kisim mani long taim stret.

Taim Dokta Sinebare i tok tenkyu long Dokta Pagelio long tok welkam em insait long dipatmen, em i autim tu tok tenkyu bilong em long Dokta Pagelio long planti gutpela wok em bin mekim insait long Edukesen Dipatmen taim em i

holim wok olsem Edukesen Sekreteri na tu, taim em i stap olsem Ekting Edukesen Sekreteri inap long las wik Fraide.

“Nau em i sans bilong mi go hetim ol gutpela wok we Dokta Pagelio i bin statim, na mi save olsem i gat planti ol gutpela opisa na tu, ol dona patna bai skruim sapot bilong ol long wok insait long Dipatmen,” Dokta Sinebare i tok.

Long wankain taim, Dokta Sinebare i givim tupela mun long ol opisa insait long Edukesen Dipatmen we ol tisa i save peim ol long stretim ol samting olsem pinis pe, long risain, bikos sapos nogat, ol bai tokaut olsem husat tru i wokim dispela pasin na ol bai kisim mekimsave.

# Pom Jen i gat ful haus sik bod...Tripela nupela memba go insait



**NUPELA BOT MEMBA:** Tripela nupela Pom Jen Haus sik Bod memba i sanap long beten pastaim long ol i mekim tok promis.(L-R): Dadi Toka Junia, John Mangos na Sister Carol Hosea Ban *Poto: Veronica Hatutasi*

## Veronica Hatutasi i raitim

POT Mosbi Jenerel Haus sik (Pom Jen) i gat ful bod nau bai karimaut gut wok bilong ol, bihain long tripela nupela bot memba i bin mekim tok promis bilong ol las wik Fonde.

Dadi Toka Junia, husat ol i makim em olsem siaman long kisim ples bilong Se Brian Bell, husat i bin dai long 2010 na sia i bin stap nating; Carol Hosea Ban, husat em i Deputi Dairekta bilong Nasing i makim ol woklain na bikman bilong Dijisel komyunikesens kampani, em Sif Eksekutyutiv

Opisa John Mangos em tupela em ol bot memba we nau i kisim mak bilong ful Pot Mosbi Haus sik Bod em long 9-pela.

Sif Eksekutyutiv bilong Pom Jen, Sam Vengogo, i tok bikipela samting we Pom Jen i laikim em gutpela gavanens na lidasip we bai mekim wok long dispela bikipela riferel haus sik long kantri i ron gut.

Mista Vengogo i tok tupela Mista Toka na Mista Mangos i kam long bisnis komyuniti na wantaim save bilong ol i kam insait, ol bai helpim gutpela ron na menesmen bilong Pom Jen.

Fopela long 6-pela olupela bot memba i bin stap long

dispela de we tripela nupela memba i mekim tok promis em long Reveren Sommy Setu, Jose Tamarua na Ekting Siaman, Mista Rahearu.

Mesej o toktok we Reveren Dabada, husat i bin go pas long seremoni bilong mekim tok promis i bin tokaut long en em, long ol nupela memba na tu, ol olupela long karimaut gut wok bilong ol. Na long putim Bikipela pastaim long ol samting ol i wokim na bihainim lekma bilong Jisas huat i namba wan dokta, tisa na rol modol.

Tripela i bin mekim tok promis bilong ol na sainim ol pepa long ai bilong Majjistret, Fred Tomo.

# Stopim sik long kamap bikipela moa

## Veronica Hatutasi i raitim

TUPELA nupela opis bai kamap insait long Helt Dipatmen.

Em long “Preventative Helt na Curative Helt. Curative Helt bai gat long em ol Wellness Klinik.

Helt Minista, Jamie Maxtone-Graham i bin tok olsem long seremoni bilong tripela nupela Pom Jen Haus sik Bod i mekim tok promis bilong ol las wik Fonde long Mosbi.

Em i tok edukesen awenes wok, save long abrusim sik i

bikipela moa na dispela bai helpim pipel long lukautim gut helt bilong ol na abrusim ol rot bilong kisim sik. “Nau yet, bikipela sik mi lukim em ol man i no save long rot bilong stopim ol kain sik. Na marasin bilong en em “edukesen,” Mista Maxtone-Graham i tok.

Em i tok ol Wellness Klinik i hap bilong stopim sik i kam aninit long ‘Preventiv Helt’.

“Sapos moa pipel i kisim skul, bihainim haijin o pasin long stap klin na helti, planti pipel i no inap

kisim sik,” Mista Maxtone-Graham i tok.

Em i tok 5-pela krismas i go pinis, em i sapos long bagarap, tasol em yet i mekim samting long kamapim gut helt bilong em na senisim pasin long kaikai, ekasais na stap fit na helti.

Long wankain taim, em i tok Pot Mosbi Jenerel Haus sik bai kisim K10.5 milian long karimaut gut wok bilong em.

Long Saplimenter baset, gavman i bin katim 21 milian long olgeta haus sik long kantri.



Mista Mangos mekim tok promis...



# Gavman bai glasim wok long kisim moa ovasis sios misinari

**GAVMAN** bai glasim gen na tok oraitim moa sios misinari i kam karimaut wok long PNG.

Praim Minista, Peter O'Neill, i tok olsem insait long wanpela bung las wik wantaim Nunsio o man i makim maus bilong Pop Benedict 16 long PNG na Solomon Ailans, na tu hetman bilong olgeta mausman na meri bilong ol arapela kantri, Asbisop Francesco Montencillo Padilla, long las wik Trinde.

Asbisop Padilla i bin go lukim Praim Minista O'Neill long opis bilong em long toktok long ol rot bilong kamapim gut na strongim wok bilong ol sios na moa yet, askim moa ausait misinari long kam long PNG na karimaut ol autris wok.

Mista O'Neill i bin tok amamas long ol sios long gutpela wok ol i mekim long kisim ol sevis i go aut long pipel long dispela kantri na moa yet, insait long ol rurel eria we gavman i no save go insait.

"Mi laik tok tenkyu long ol sios long kisim ol sevis i go long ol pipel bilong yumi long ol rurel eria na moa yet, long helt na edukesen sekta.

"Ol sios i go pas long wok bilong kisim sevis i go aut na kon-



**SEKAN:**Nunsio Asbisop Francesco Padilla, i sekan wantaim Praim Minista O'Neill pastaim long bung. *Poto: PM's Media Yunit*

tribusen bilong ol i bikpela moa. Gavman bai lukluk gen long strongim patnasip namel long sios na gavman na moa wok i ken kamap long dispela eria.

"Long pastaim, planti ol ovasis misinari i bin kam na mekim ol bikpela na gutpela wok na sevis long ol rurel eria, tasol tude, wok bilong ol ovasis misi-

nari i go daun olgeta.

"Bai mipela i glasim gen dispela tingting long kisim moa ovasis misinari long mekim ol autris wok long PNG, na gavman bai sapatim dispela samting long lukim olsem em i kamap," Mista O'Neill i tok.

Mista O'Neill i tok rekot bilong gavman long kisim sevis i go aut

long pipel i no gutpela na tru, kantri i bin mekim bikpela mani insait long las 6-pela yia, nogat wanpela gutpela samting i kamap long graun long soim dispela.

Em i tok gavman na sios patnasip long kisim ol sevis i go aut bai helpim planti pipel insait long kantri.

## Ol sios long Lihir i mas wok bung wantaim

SIN GAUT i go long ol sios long Lihir Ailan long lus tingting olsem ol i bilong wanwan sios na wok bung wantaim aninit long stia bilong Holi Spiritu.

Pastaim Siaman bilong Lihir Kaunsel ov Sios (LCC), Pater Abel Tullik, i bin wokim dispela singaut insait long lotu na bung seremoni ol bin holim long tok gutbai long em long las mun ol bin holim long Sen Jude's Putput Katolik Sios long Lihir Ailan we bikpela gol na kopa main i kamap long en.

Pater Abel i bin askim ol sios long luksave long nau taim na wantaim stia bilong Santu Spiritu, ol wan wan sios i kamap hap long wok ekumenisim o wok bung wantaim long promotim wanbel pasin, luksave long wan wan man olsem em i piksa bilong Bikpela, na bihainim Tok bilong God bai givim stia long ol-

geta eria bilong laip bilong ol.

Pater Abel i tok moa olsem dispela singaut i bikpela moa long Lihir we planti kain sios i stap nau na stat yet long main i op, i gat planti gutpela sans long ol wan wan sios i wok bung wantaim namel long ol.

Pater Abel i tok Lihir Gol Main developmen i laikim ol sios long wok bung wantaim long ol developmen wok, ol sosel hevi na ol salens, long wanem, long longpela taim, ol sios long ailan i wok ol yet.

Pater Abel i bin tok em i taim nau long ol eksekutiv bilong LCC i fomim wanpela kaunsel eksekutiv na wok bung wantaim na ol i ken makim sios long toktok wantaim gavman, Lihir Sastenebol Developmen Plen na divelopa bilong main, Newcrest Maining.

## Ol Kristen komyuniti long Nepal i bungim hevi

PNG em i laki kantri tru we i gat olgeta samting olsem graun, bus, ol diwai, wara na planti ol naturel risos moa.

Graun em i bikpela samting tru we long dispela kantri, i gat planti i stap. Na planti long yumi i no luksave yet olsem wanpela de, graun bai sot, olsem tasol i kamap nau long sampela kantri long wol tude.

Nepal em i wanpela kantri i stap klostu long India na dispela em kantri we bikpela maunten tru long wol, Maun Everest, i stap long em.

Planti pipel long Nepal em ol Hindu na liklik lain stret em ol Kristen.

Hevi i kamap long Nepal long dispela taim em long graun bilong planim ol Kristen memba i dai i nogat.

Ol lain Hindu i save kukim bodi bilong man i dai na olsem, dispela i no kamapim hevi long painim graun long planim ol daiman bilong ol.

Tasol taim mak bilong ol Kristen long kantri i wok long go antap, ol nau i bungim hevi long painim hap long planim ol lain bilong ol i dai.

Ol ripot i tok long dispela wik, ol Kristen komyuniti long Nepal i stap long

mak bilong 5 pesen bilong populesen i tok ol bai go long "hunger strike" o ol no nap kaikai inap long gavman bilong ol i makim hap graun long planim ol lain dai Kristen.

Straik i bin sapos long stat las wik Trinde.

Ripot i tok stat yet long mun Februeri long dispela yia, Kristen komyuniti long Nepal i wok long askim ol atoriti long makim ol hap graun na givim ol long yusim olsem matmat, tasol ol i no kisim wanpela gutpela bekim yet.

Long ol ripot, ol Kristen lain i tok long nau, ol i fosim ol long rausim ol dai bodi long ol ples ol i planim ol na painim narapela hap gen long planim bikos ol asples lain i no laik.

Ol i tok tu olsem long sampela taim, ol i nogat ples long planim ol dai Kristen na ol i save hait long nait na tromoim ol bodi i go long wara bikos ol i no save bai ol i mekim wanem.

Maski ol i wok long toktok wantaim ol gavman minista long wari na hevi ol i gat long ol dai bodi na long gavman i makim ol hap graun olsem matmat, nogat samting i kamap yet long gavman.

Ol ripot i tok moa pipel long Nepal nau i wok long kamap ol Kristen bikos long "caste" sistem bilong ol we ol i gat ol lain i stap long antap level. Na ol dispela i stap long daunbilo level em ol i lukim ol olsem ol turangu, ol kagoboi na ol i nogat graun.

Na ol turangu Hindu i stap long daunbilo level i wok long kamap ol Kristen bikos ol i laik ronawe long "caste" sistem na kamapim gut laip bilong ol.



## God i stap long yu, yu trupela man na trupela lida

ORAIT nau, yupela ol lida man, yupela man bilong bosim olgeta kantri, yupela harim tok bilong God na kisim gutpela save na tingting long em.

Yupela bosim planti manmeri na yupela i save amamas long wanem, planti manmeri i stap aninit long yupela.

Tasol yupela harim gut, God antap tru i bin givim ol dispela pawa long han bilong yupela na em i skelim ol wok yupela mekim pinis. Na tu, em bai glasim ol samting yupela i bin tingting long mekim. God em i nambawan king na em i givim bikpela wok long yupela, tasol yupela i no save bihainim stretpela pasin.

Yupela i no bihainim ol loa na laik bilong God olsem na wantu, God bai mekim save long yupela. Yes! God i save mekim save moa yet long ol manmeri i holim bikpela pawa.

God i save marimari long ol man i nogat nem na em lusim rong bilong ol, tasol em bai mekim save tru long ol bikmanmeri. God em i bikpela. Em i bosim olgeta samting na em i no save pret long wanpela man, maski dispela man em i bikpela o nogat. God yet i wokim ol manmeri i gat nem na tu, em i wokim ol manmeri i gat namba. Na em i save lukautim ol long wankain pasin tasol, na em bai skelim tru pasin bilong ol manmeri i gat pawa.

Mi mekim ol dispela tok bilong skulim yupela ol bikpela lida manmeri olsem bai yupela i ken kisim gutpela na stretpela tingting. Na yupela i no ken bihainim pasin nogut. Sapos wanpela bilong yupela i bihainim ol loa bilong God long gutpela pasin tru, em bai stap insait long lain manmeri long God. Na sapos wanpela bilong yupela bin kisim gutpela tingting bilong God, orait em bai inap long sanap strong na em tasol yumi kolim em trupela man na trupela lida.

## Ol nupela eksekutiv bilong Hagen ELC-PNG kisim salens

SALENS i go long ol nupela eksekutiv bilong Evanjelikel Luteran Sios bilong Hagen Distrik long karimaut gut wok bilong ol na sevim sios na pipel.

Ektong Het Bisop bilong ELC-PNG long PNG, Reveren Zao Rapa i bin mekim dispela salens long opim wanpela wik konprens bilong distrik ol bin holim long Alkeina misin stesen long Tambul Nebilyer Distrik long Westen Hailans.

Konprens we i bin ron long Oktoba 22 na pinis long de namba 28, i bin pulim moa long 5,000 pipel.

Ol bin makim ol nupela eskekyutiv memba bilong sios long distrik husat bai go pas long ol wok insait long 4-pela yia.

Ol bin makim Reveren Ten Tengdui (Gutnius Luteran Dairekta) olsem Siaman, Wane Kanapi olsem distrik sekreteri, Jacob Lama olsem Distrik tresera, Peter Konga olsem yut kodineta, Rina Ik olsem kodineta bilong ol meri, na narapela man moa olsem Sande skul kodineta.

Reveren Rapa i bin tok Baibel em i bikpela samting tru we sios i sanap long en.





# TOK PISIN NEWS

from Radio Australia  
radioaustralia.net.au

Harim TOK PISIN long  
Radio Australia  
**101.9FM**  
Port Moresby

**Tok Pisin Service**  
6am - 7am 6080; 7240(KHZ)  
7pm - 9pm 5995; 6020; 9710; 1280(KHZ)

## India testim niuklia misail

INDIA i tes paia long wanpela longpela rens misail o roket bom na i bin kamap gut. Dispela misail o roket bom bai nap karim wan tan nuklia woa het i go 3,500 kilomita. Wanpela Difens Risets na Dvelopmen Ogenaisesen mausman i tok ol i bin lonsim, Agni misail long 9-kilok long India taim. Ol i bin tes paia long en long Orissa stet long isten sait bilong India.

Em i tok, dispela nuklia tu-stes misail, em pawa bilong em i kam long piul. Ol i bin pairim em long Bay of Bengal, long India Osen.

Dispela Agni siris i wanpela long faivpela misail em India i developim, aninit long Integretet Gaided Misail Dvelopmen Progrem em i bin lonsim long 1983.

## Australia Praim Minista laik salim Yuranium i go long India

PRAIM Minista bilong Australia, Julia Gillard, i tok em i redi long tanim bek Labor Pati polisi long i no ken salim Yuranium i go long India.

Leba Pati i no bin save laik long salim yuranium i go long India, long wanem, India i no sainim yet nuklia non-proliferesen triti.

Tasol long wanpela hap bilong Fairfax niuspepa long Trinde, Mis Gillard i tok, em taim long ol i tingting gen long polisi, na bai kisim dispela tingting bilong emi go long Labor Pati Nesenel Konfrens long mun bhain.

Tasol em i tok, em bai laik kisim tok klia i kam long India, olsem em bai yusim yurenium bilong Australia long gutpela rot tasol.

Foren Minista, Kevin Rudd, nau i stap long India na Risops Minista, Martin Ferguson i bin go long India i no long taim i go pinis.

Mista Fegusen i wanpela long sampela fran bensa i go aut salim dispela polisi bilong salim yurenium.

Mis Gillard i laikim tu long kisim tingting bilong ol man i maritim man, o meri maritim meri i go long Leba konfrens, em yet i no laikim dispela, tasol em i tok, bai larim ol pipel yet i vot long laik bilong ol long dispela isiu.

## IMF i tok fainensal sistem bilong Saina bai nap bungim hevi

INTANESANEL Monitari Fan



**SENISIM LAIK:** Gillard, i laik senisim polisi bilong Leba Pati, na salim yurenium long India. Maski India i no sainim yet Nuklia Non-Proliferesen Triti.

(IMF), i tok fainensal sistem bilong Saina inap bungim hevi long wanem long ol dinau nogut, moa praivet lending, na bikpela pundaun tru long ol prais bilong propeti.

IMF i tok, bikpela stap insait bilong gavman long ol benk long kantri, na ol wasdok o lain i was long ol benk, i givim hevi long gutpela wok lukaut bilong maket na ol bisnis.

Givim aut moa dinau stat long 2008 fainensal kraisis o hevi, planti ol kampani na lokol gavman long Saina wantaim planti dinau, na long slodaun bilong ekonomik groa, i no long taim i go pinis, na prais bilong ol propeti i wok long go daun i kamapim ol pret long ekonomi bilong kantri.

Tasol IMF i tok, em i no nap mekim ful luksave long ol hevi, long wanem long ol tambu long em i lukim ol namba em i haitim stap.

## Pasifik kredit ret-ing bai nap bungim hevi long Yurop ekonomi

WANPELA long ol biknem ret-ing

ejensi long wol, i tok lukaut pinis olsem ol Pasifik Ailan kantri olsem ol kredit ratings bilong ol, nau i wok long bungim hevi wantaim ol wok mani long Yurop na Yunaitet Stets, i no kamap gut yet.

Kain op pasin bilong ol Pasifik ekonomi na long liklik ekonomik bes bilong ol i mekim ol i stap ples klia long ol i go nogut insait long kredit kwaliti, sapos wok mani long wol i slo daun moa, winim mak bilong nau, em hevi i wok long go nogut wantaim Yurop mani dinau.

Standard na Poors i retim Papua Niugini, Fiji, na Kuk Ailans.

Pasifik glasman, Kyran Curry, i tok dispela tripela kantri i wok long bungim ol bikpela kos tru bilong ol samting na i gat nidi bilong ol long lukautim gut mani bilong ol, olsem ol i ken wok strong taim ol i bungim salens long pundaun bilong ol wok.

## Is Nu Briten i tok em i no inap bruk lusim PNG

GAVANA Jeneral bilong Paua Niugini bipo, Se Paulias Matane, i tok pipel bilong PNG i noken pret

long askim bilong Is Nu Briten Provins long kisim atonomi.

Em i tok, provins i laik tasol long nesenel gavman i givim ol atonomi long sampela eria bilong gavman.

Ol tripela eria we wanpela komiti bilong lida bilong provins i bin makim nau em Administretiv Atonomi, Fainensal Atonomi, na Politikal Atonomi.

Se Paulias husat i go pas long dispela komiti i tok, atonomi em i no minim Is Nu Briten bai bruk lusim PNG.

"Mi tok planti taim pinis, bilong Is Nu Briten long bruk lusim kantri bilong yumi. Tasol bekim bilong dispela askim, em nogat, na nogat tru. Dispela em i tingting bilong mipela planti pipel i stap hia long Is Nu Briten. Mipela bai no inap bruk lusim kantri long kamap nesen o kantri bilong mipela yet."

## Australian gavman tok lukaut long birua long solwara

AUSTRALIA Gavman i mekim tok lukaut long moa birua na dai bai kamap, taim ol asailum bot i go het long traime kamap long

Krismas Ailan.

Ol i painim gen narapela bot i wok long karim 93 asailum sika, na tupela kru klostu long ailan.

Hom Afes Minista, Brendan O'Connor, i tok, em wari long ol bot i wok long kam kamap long taim bilong monsun sisen.

## Ol polinesia kantri bai statim grup bilong ol yet

WANPELA mansave long ol wok politik long Pasifik rijen i tok, tingting bilong ol Polinesia kantri long statim wanpela grup bilong ol yet em i wanpela gutpela tingting stret.

Derek Brien, husat em i dairekta bilong Pasifik Institut bilong pablik polisi, i mekim dispela toktok long wankain taim ol Polinesia kantri i redi long kirapim wanpela sab-grup bilong ol yet.

Long dispela taim, ol kantri bilong Maikronesia long Noten Pasifik na Melanesia i gat ol wan wan lain bilong ol yet pinis.

Mista Brien i tok, em i gupela bilong Polinesia long strongim ol wokbung wantaim ol narapela grup long rijen.

**PacificBEAT**

4. 5. 6am & 4pm. 5pm including sport

Listen to Radio Australia  
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.





Jada011

# Pipel i no wetim Lo na Oda moa

LAE siti i kamap ples bilong pait bihain long bikpela pait bin kamap tupela wik go pinis, namel long ol pipel bilong Morobe provins, na ol bikhet lain bilong strit.

Dispela em i olsem pait agensim pasin raskol, na trabel nabaut we i save bagarapim gutpela wokabaut bilong ol manmeri long Lae siti long stua na maket ples na samt-ing.

Dispela pait i mekim na planti gutpela manmeri bilong Hailans na ol arapela provins tu i kisim taim na bagarap bikos ol Morobe i tromoi belhat bilong ol antap long ol trabel na bikhet lain we ol save hait na stap namel long ol gutpela lain insait long ol blok na setelmen.

Olsem na olgeta pipel insait long ol dispela setelmen na komyuniti i sanap wantaim na banisim ol yet na pait go bek long ol Morobe.

Em i hat long pulim aut ol bikhet na trabel lain i kamaut insait long ol setelmen o komyuniti ol save stap long en taim wanpela lain o grup i laik kamapim birua olsem.

Bikos olgeta lain bai ting olsem trabel i kam long olgeta wantaim.



long holim gut na banisim gut ol trabel lain em bikpela samt-ing we i save mekim wok bilong Lo na Oda i hat long holim trabel lain na sasim ol.

Orait, ol trabel lain i save amamas long raun fri na go het yet long mekim kainkain nois na trabel long bagarapim gutpela wokabaut na sindaun bilong ol gutpela manmeri.

Olgeta taim polis long Lae siti i save tok ol i sot long man pawa o wokman.

Dispela i min olsem ol i nogat inap wokman o polis fos bilong raun long olgeta kona bilong Lae siti na strongim Lo na Oda, na gutpela sindaun.

Nogat inap polisman bilong wokabaut long strit na ol bas stop o long sait bilong ol stua long stopim ol trabel pasin. Olsem na tru tumas, ol bikhet pasin bai stap yet bikos ol bikhet na trabel lain bai amamas long mekim moa yet bikhet bilong ol.

Ating dispela bikpela pait long Lae siti i kamap bihain

long longpela taim tumas ol manmeri i les tru na tait tru long kisim hevi na pen olgeta taim long han bilong ol bikhet lain.

Ol pipel i les bilong ol trabel o raskol lain i pulim bilum na poket bilong ol long stua na maket olgeta taim. Ol pipel i les long ol kisim han bilong ol raskol olgeta taim long sait bilong stua na rot olgeta taim. Ol manmeri i les long ol raskol i holim ol yangpela meri long rot na stua o maket ples olgeta taim. Ol pipel i les na tait na bel kaskas longpela taim tru na hot bilong dispela bel hat i pulap na kapsait olgeta long las wik ya.

Bikos polis i sot long ol wokman, nogat inap sapot bilong ol polis long go aut na mekim wok, ol pipel i save olsem tru tumas polis i no inap helpim ol. Olsem na ol i no inap sindaun na wetim polis na gavman i stap na kisim pen na bagarap olgeta de.

Dispela em yumi ken tok stret olsem pipel nau i kisim Lo i go long han bilong ol yet bikos ol no inap wetim polis na Gavman longpela taim tumas na karim pen i stap.

Nogat wanpela man i save stap kalabus na karim pen

olgeta taim long laip bilong ol. Ol mas painim sampela rot long rausim dispela kalabus na pen. Em wanpela as pait i bruk long Lae siti long las wik ya.

Tru tumas Lae siti mas kisim moa polisman na moa-beta ol polisman bilong Australia aninit long nem ECP mas kam bek. Gavana Luther Wenge yet i bin rausim ol ECP bikos em ting em fit long lukautim Lo na Oda hevi long Lae siti. Nau we stap?

Rausim olgeta setelmen nabaut long Lae siti we i nogat nem long buk o luk-save bilong gavman.

Rausim olgeta setelmen long graun bilong ol asples Butibam na Ahi.

Votim tu ol strongpela lida bilong Morobe stret bai ol ken tingim stret laip na sindaun bilong ol pipel bilong Morobe, na strongim wok bisnis bilong Lae siti.

Rausim ol pasindia manmeri i nogat wok, na i save raun nating long Lae siti.

Stretim bek Lae siti we yumi save kolim Greeny Lae na Rainy Lae.

## WANTOK KOMENTRI

### Lida mas tingim ol pipel na mekim wok

LONG wik i go pinis, nesenel gavman i soim kila olsem skin kirap wok bilong em long kamapim inap senis bilong strongim 2012 ileksen ron bilong ol i klostu bungim bikpela birua.

Dispela wik i kirap wantaim rausim bilong disisen gavman i mekim long saspenim Sif Jastis Se Salamo Injia, bihainim ol sut tok bilong gaulim mani.

Dispela disisen, bihainim wanem kain tingting gavman i gat, i bin lukim ol jas i kam bek wantaim ol kot oda bilong polis i arestim na sasim deputi praim ministra Namah na Jastis Minista, Allan Marat.

Tasol planti bikpela tok bekim i kamap long dispela disisen, na i no long taim, gavman i senisim disisen bilong em long Mande apinun.

As long senisim disisen bilong ol, em ol i tok ol i mekim bihainim laik bilong pipel bilong kantri. Tasol ol lida i noken apas long krai bilong pipel.

Ol pipel na savemanmeri bilong yumi long kantri, i save gat planti kain tingting long ol nesenel isia i kamap.

Planti manmeri long pablik, i no save gut long wok bilong gavman. Ol i save kisim olgeta nius bilong ol long wanem samt-ing ol i ritim long niuspepa, o lukim long TV na hanim long redio.

Dispela nau i save mekim ol i strong tru wantaim ol tingting bilong ol.

Sapos i gat wanpela bikpela skul gavman bilong O'Neill na Namah i kisim long dispela disisen ol mekim, em i independens bilong tripela han bilong gavman. Pablik i save long dispela, na long yumi ol manmeri, em i samt-ing we i mas stap strong oltaim.

Tasol olsem wanem long ol sut tok long Sif Jastis. I gat as bilong en? Na sapos ol dispela sut tok gat as long en, husat tru bai sekim ol?

Olgeta jas gavman i tingting long makim, i tok ol i nonap sekim, bikos ol i save gut long Sif Jastis. I gutpela gavman i tokaut long senisim disisen bilong em, tasol wok bilong kot i ron pinis.

Na sapos i gat wanpela husat bai karim hevi long dispela disisen, em bai momba bilong Varimo Grin yet.

Em i bin ekt-ing praim ministra taim NEC i mekim disisen, na em i bin go pas long toktok long ol sut tok agensim Sif Jastis.

Wanpela samt-ing i kila. I mobeta ol dispela sut tok i kamaut pastaim long Disemba 9, taim Suprim Kot bai givim disisen bilong en long ileksen bilong nupela gavman i lukim Namah na O'Neill i kamap ol mausman bilong kantri.

## WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager: Elizabeth Konga

Editor: Neville Choi

Published at Portion 445, Kanage Street, Six Mile NCD

Word Publishing Company Limited is owned by the four major churches of Papua New Guinea - Catholic, 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.



# WOLNIUS LONG POTO



**BAIM PLASTIK TRAUSIS:** Taim bilong haiwara long Tailen, em i taim nau we planti manmeri i wok long painim klos we bai nap banisim skin bilong ol long wara. Ol meri Tailen i wok long sekim ol plastik trausis long sait bilong rot long Bangkok. (AP Poto i kam long AAP Images)



**KLINIM SETELMEN:** POLIS long kantri Brasil i wok long mekim bikpela operesen tru long dispela wik long klinim na rausim ol raskol man i stap hait insait long ol setelmen o Favela long biksiti bilong kantri, Rio de Janeiro. Siti bai lukautim 2014 Wol Kap, na nau gavman i laik kisim bek ol setelmen raunim siti long han bilong ol bikpela raskol geng husat i save salim ol paigan na strongpela drak olsem mariwana na kokein. (EPA Poto i kam long AAP Images)



**PAIA LONG SOLWARA:** Ol paia paitman i traim long kilim bikpela paia i kirap long wanpela krus bot nem bilong en 'Sergei Abramov' long not pot pia long Mosko, Rasia long Mande dispela wik. I nogat ripot yet long ol manmeri i kisim bagarap na dai. (EPA Poto i kam long AAP Images)



**HAIWARA BISNIS:** Ol haiwara hevi long kantri Tailen, i no wanpela hevi tasol. Ol lain manmeri long Tailen i wok long tanim i go kamap wok bisnis. Dispela meri i wok long salim ol raba but. Ol liklik bisnismanneri i wok long yusim dispela sans long mekim mani, na lus tingting long hevi bilong haiwara. (AP Poto i kam long AAP Images)



**MAUNTEN PAIA:** Dispela maunten paia long kantri Congo long Afrika, i wok long kamap olsem wok bisnis bilong turisim indastri. Maunten Nyamulagira i wok long tromoi ol hatpela ston na paia i go antap, na ol lain long Virunga Nesanel Pak i wok long askim ol turis long wanpela ovanait trek long wanpela kain pairap em i save mekim. We ol hatpela wara paia i ron i kam daun long sait bilong maunten paia. (AP Poto i kam long AAP Images)



**SHINAWATRA GO DAUN LONG PIPEL:** Long Tunde dispela wik, Prait Minista bilong Tailen, Yingluck Shinawatra i werim klos bilong meri fama na tromoi ol lfektiv Maikro-ogenisim o EM bal long kilim ol binatang nogut insait long ol haiwara. Faiv handret manmeri i dai pinis long ol dispela haiwara, 3 milian pipel i karim hevi, na 15,000 indastrial fektori i pasim dua bilong ol. (EPA Poto i kam long AAP Images)



Program bilong Wanwan De



De - Mande - Fraide

6am - 10am - Sankamap show - Host: Kas.T  
 6:00am - Major Nius Bulletin  
 6:15am - Komuniti Notis Bod  
 6:25am - Taim Bifo - wanpela singsing blong bifo.  
 6:30am - Nius Hetlains  
 6:45am - Bonde grins  
 7:00am - Major Nius Bulletin - YUMIFM Nius Senta  
 7:05am - YU TOK - komiuniti awenes program  
 7:15am - WAN 4 DA ROAD - Hit Prediction - niupela singsing  
 7:30am - Tok Pilai - stori blong putim smail long nus pes.  
 8:00am - Major Nius Bulletin - YUMIFM Nius Senta  
 8:05am - YU TOK - komiuniti awenes program  
 8:15am - "Papa Heni Fuka Show".  
 9:00am - Nius Bulletin - YUMIFM Nius Senta  
 9:15am - Luksave long Komuniti (Radio Pilai) Fraidei

Tasol  
 9:30am - Final aua cruz  
 10am - 3pm - Morin Trek na Belo Pack - Host: Mummy DASH  
 10:00am - Major Nius Bulletin - YUMIFM Nius Senta  
 10:05am - YU TOK - komiuniti awenes program  
 10:15am - Kona blong yu  
 10:45am - YUMI PANIM WOK Segment  
 11:00am - Nius - YUMIFM Nius Senta  
 11:05am - YU TOK - komiuniti awenes program  
 11:10am - Lukautim yu yet - Helt toktok  
 11:30am - Nius Hetlains blong Belo Taim - Laik blong yu - Niupela singsing previu  
 12:00pm - Major Nius Bulletin - YUMIFM Nius Senta  
 12:05pm - YU TOK - komiuniti awenes program  
 12:10pm - BELO Pack - Belo taim rekwas na dedikesen  
 12:15pm - Komuniti Notis Bod  
 12:20pm - BELO Pack - Belo taim rekwas na dedikesen  
 1:00pm - Nius - YUMIFM Nius Senta  
 1:05pm - YU TOK - komiuniti awenes program  
 1:10pm - BELO Pack - Belo taim rekwas na dedikesen

2:00pm - Major Nius Bulletin - YUMIFM Nius  
 2:05pm - YU TOK - komiuniti awenes program  
 2:45pm - YUMI PANIM WOK Segment  
 3pm - 7pm - Avinun Draiv Taim - Host: Vaviessie  
 3:00pm - Nius - YUMIFM Nius Senta  
 3:05pm - YU TOK - komiuniti awenes program  
 3:10pm - Avinun cruz  
 4:00pm - Nius - YUMIFM Senta  
 4:05pm - YU TOK - komiuniti awenes program  
 4:10pm - FOAPELA KAM GUD LONG 4 - foapela singsing  
 4:30pm - Nius Hetlains  
 4:45pm - YUMI PANIM WOK Segment  
 5:00pm - Major Nius Hetlains - YUMIFM Nius Senta  
 5:05pm - YU TOK - komiuniti awenes program  
 5:10pm - 6:00pm - KULCHA Musik (1 hr) skelim lokal musik 6pm - 7pm  
 - NAIT BEAT - Host: Vaviessie  
 6:00pm - MAJOR NIUS BULLETIN - YUMIFM Nius Senta  
 6:05pm - YU TOK - komiuniti awenes program

6:10pm - 7:00pm Mon kamap sho  
 6:45pm - Komuniti Notis Bod  
 7:00pm - 9:00pm - COCA COLA GARAMUT - Host: Angra Kennedy  
 7:00pm - Nius - YUMIFM NIUS SENTA  
 7:05pm - YU TOK - komiuniti awenes program  
 9:00pm - 00am - Nait Beat - Isi Cruz long nait  
 00am - 6am - BRUKIM TULAIT SHOW - Host: Tuluvan Vitz/Talaigu Sopi/Bata Rat  
 00:00 - Early Monin Taim Cruz (ol lain brukim tulait shift)  
 - Musik / Request / Tok pilai  
 - Kipim Kampani long ol nait shift.  
 Wikens - Sarere  
 6am - 10:00am - Wilken Sanrais Host: Talaigu Sopi  
 7am - 9am - Sarere Monin Cruz  
 9am - 11am - Monin Treks  
 11am - 1pm - National Weekly Hit Parade - Host: Kasty - 1st aua NWHP  
 12:00pm Nius - YUMIFM Nius Senta  
 12pm - 1pm - 2nd aua NWHP

Sarere belo cruz - Host: Tuluvan Vitz  
 1pm - 2pm - Sarere Belo Taim Dedikesen  
 2:00pm Nius - YUMIFM Nius Senta  
 2pm - 6pm - Sarere Avinun Cruz  
 6:00pm Nius - YUMIFM Nius Senta  
 6pm - 00:00am - Nait beat  
 7pm - 9pm - Coca Cola Garamut  
 9pm - 00:00am - Nait cruz  
 00:00am - 6am - Brukim Tulait Show  
 Wilken - Sandei  
 6am - 10am - Wilken Sanrais / Sandei Monin wokabout Musik - Monin Treks  
 10am - 12noon - Nius - YUMIFM Nius Senta  
 12noon - Sandei Belo Taim Music  
 12 - 2pm Nius - YUMIFM Nius Senta  
 2pm - 6pm - Sandei Avinun Draiv Music  
 6pm - Nius - YUMIFM Nius Senta  
 6pm - 8pm - GOSPEL REKWES AUA  
 8pm - 00:00am - Poroman Aua  
 00:00am - 6am - Brukim Tulait Show  
 Program Director - YUMIFM - Kasty

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karent Afes  
 8PM Helt  
 8.15PM Musik  
 8.30PM NIUS  
 8.40PM Spots Riplei  
 8.55PM Musik  
 9PM Stesen Pas

**TUNDE - Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karent Afes  
 8PM Mama Graun  
 8.15PM Musik/Spots  
 8.30PM NIUS  
 8.40PM Helt Riplei  
 8.55PM Musik  
 9PM Stesen Pas

**TRINDE - Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karent Afes  
 8PM Focus  
 8.15PM Musik/Spots  
 8.30PM NIUS  
 8.40PM Mama Graun Riplei  
 8.55PM Musik  
 9PM Stesen Pas

**FONDE - Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karent Afes  
 8PM Youth  
 8.15PM Musik/Spots  
 8.30PM NIUS  
 8.40PM Focus Riplei  
 8.55PM Musik  
 9PM Stesen Pas

**FRAIDE - Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karent Afes  
 8PM Wantok  
 8.15PM Musik  
 8.30PM NIUS  
 8.40PM Youth Riplei  
 8.55PM Musik  
 9PM Stesen Pas

**SARERE - Nait**  
 7PM Stesen op - Ol Nius Hetlain/Program Priviu  
 7.05PM Musik na Chit Chat  
 7.30PM Nius  
 7.40PM Wantok  
 8PM Lokal Ben  
 8.30PM Nius  
 8.40PM Musik/Chit Chat  
 9PM Stesen Pas

**SANDE - Nait**  
 7PM Stesen op - Ol Nius Hetlain/Program Priviu  
 7.05PM Musik na Chit Chat  
 7.30PM Nius  
 7.40PM Femili Blong Serah (Radio Plei)  
 8PM Lukluk Bek Long Wik  
 8.30PM Nius  
 8.40PM Musik/Chit Chat  
 9PM Stesen Pas

# Raun wantaim Wantok kru ... Wanwan provins mas pulim turis

**Nicky Bernard i raitim**

**PLANTI** ol provins long Papua Niugini i gat nem long pulim ol turis long go na lukim pasin tumbuna bilong ol.

Long wanpela wik go pinis, planti long ol Turis i bin go long Alotau long lukim pasin tumbuna long wei bilong pul long kanu, resis long sel long

Dispela tasol na pasin tumbuna long wok long dai isi isi, na planti yangpela i no save long pasin tumbuna long ples bilong ol.

Pasin tumbuna save soim nuis pes bilong kantri bilong yumi Papua Niugini, na dispela tumbuna pasin sapos i lus, ating planti ol wait manmeri bai no inap kam long provins na kantri bilong yumi.

Indipendens de bilong Papua Niugini, em planti save soim kala bilong wanwan provins bilong ol, ol bai bilas long provins bilong ol long soim olsem ol kam long dispela hap.

Yumi mas strong tumbuna na kalsa bilong yumi long pulim planti turis, dispela ating wanwan lain long ples bai lukim sampela kain senis long laip bilong ol.



Ol kanu redi long resis..



Ol Trobian dansas kilim skin long Kanu festival long Alotau.

**93FM YUMIFM**  
**National Weekly Hit Parade:**  
 Produced & Host by: Kasty  
 Statistics: Talaigu Sophie & Poroman Crew  
 Week Ending: Saturday - 11th October 2011

Week Before	Last Week	This Week	Charting Song:	Artist:
1	1	1(17)	Mis u babe	Leonard Kania
2	2	2	Una Takwa	Backyards of Yangoru
3	3	3	Lavin yn tumas	Sounds of Yangoru
4	4	4	Education	Cedix Atege
5	5	5(8)	Orchid V-Las	Leonard Kania
6	6	6(5)	Kiri O	Channel X Crew
7	7	7	Ples long Lae	Jokema
8	8	8	White Rose	Leonard Kania Jr
9	9	9	Hidden Valley	Butuk
10	10	10	Sunamisi	Leonard Kania Jr
11	11	11	Nono Dimagra	Butuk
12	12	12	Photo	Sibela Band
13	13	13	Kaigho	Paeva ft DMP
14	14	14	Negana	Greg A'aron ft Hanley Logoso
15	15	15	Phone Call	Ava's Ono Crew ft Theresa Cruz
16	16	16	Meri Kupex	Raiwat
17	17	17	Solwara meri	Taina G & Sharzy
18	18	18	Empty Promise	Snipers Band ft DJ AAR
19	19	19	Meri Morube	Logic Crew
20	20	20	Goro	Ava's Ono Crew ft Theresa Cruz
	Song In:	Out:	nil	nil

## EMTV Television Guide

FONDE, NOVEMBA 17, 2011		STATION OPEN		NATIONAL EMTV NEWS		AUSTRALIA NETWORK	
5.00AM G	JOYCE MEYER MINISTRIES	6.00PM G	NATIONAL EMTV NEWS	6.30PM PG	AUSTRALIA'S FUNNIEST HOME VIDEO SHOW	6.30AM G	IT IS WRITTEN
5.30AM G	TODAY	7.00PM G	SPORTS SCENE	7.27PM	EMTV TOK SAVE	7.00AM G	HILLSONG
DEPARTMENT OF EDUCATION CLASSROOM BROADCAST		7.27PM	EMTV TOK SAVE	7.30PM PG	LEGEND OF THE SEEKER (SERIES PREMIERE) A CAPTIVATING ACTION-ADVENTURE TV SERIES	7.30AM G	CHIT CHAT with Sir Paulias Matane
9.00 - 9.40AM	GRADE 7 MATHEMATICS	7.30PM G	RAIT MUSIK	In a mystical land, Richard Cypher discovers his true destiny as he, a mysterious young woman, a wise old wizard and a magical sword take on the evil Darkhan Rahl.		7.35AM	AUSTRALIA NETWORK
9.50 - 10.30AM	GRADE 7 SCIENCE	8.30PM PG	ELITE MUSIC ZONE	Stars: Craig Horner as Richard Cypher, Bridget Regan as Kahlan Amnell.		12.59PM	STATION OPEN
10.40 - 11.15AM	GRADE 8 MATHEMATICS	9.00PM G	DIGICEL STARS 2 ENCORE	7.27PM	EMTV TOK SAVE	1.00PM G	RUGBY LEAGUE
11.20 - 12.00PM	GRADE 8 SCIENCE	11.00PM	AUSTRALIA NETWORK	8.30PM PG	DESPERATE HOUSE WIVES	5.00PM G	THE PACIFIC WAY
12.30PM	EMTV MIDDAY NEWS	FRAIDE, NOVEMBA 18, 2011		9.30PM PG	BROTHERS & SISTERS	5.30PM G	LOVE PATROL
DEPT OF EDUCATION CLASSROOM BROADCAST continues.....		5.00AM G	JOYCE MEYER	10.30PM PG	GREY'S ANATOMY	6.00PM G	NATIONAL EMTV NEWS
1.00 - 1.40PM	GRADE 6 MATHEMATICS	5.30AM G	TODAY	11.00PM G	NATIONAL EMTV NEWS REPLAY	6.30PM G	DIGICEL STARS 2 Heat 6 -
1.50 - 2.30PM	GRADE 6 SCIENCE	5.30AM G	TODAY	12.00AM	AUSTRALIAN NETWORK	7.30PM G	60 MINUTES
2.30 - 3.00PM	DEPI PROGRAMME	5.30AM G	TODAY	SARERE, NOVEMBA 19, 2010		8.27PM	EMTV TOK SAVE
2.59PM	STATION OPEN	5.30AM G	TODAY	2.57PM	STATION OPEN	8.30PM M	SUNDAY NIGHT MOVIE:
3.00PM	HI-5	5.30AM G	TODAY	3.00PM G	NATIONAL SOCCER LEAGUE	10.30PM G	CHIT CHAT with Sir Paulias Matane
3.30PM	PYRAMID	5.30AM G	TODAY	SARERE, NOVEMBA 20, 2011		10.35PM G	HILLSONG
4.00PM	THE SHAK	5.30AM G	TODAY	5.00PM G	LOVE PATROL	11.00PM G	NATIONAL EMTV NEWS REPLAY
4.30PM	KITCHEN WHIZ	5.30AM G	TODAY	5.30PM G	MIND YOUR BUSINESS	11.30PM	AUSTRALIA NETWORK
4.57PM	EMTV TOK SAVE	FONDE, NOVEMBA 17, 2011					
5.00PM G	HOT SOURCE	5.30PM G	MILLIONAIRE HOT SEAT				
		6.00PM G	NATIONAL EMTV NEWS				
		7.00PM G	IN MORESBY TONIGHT				
		7.30PM PG					



# TORO



# BIABIA



# KANAGE



# TOKWIN

## Luksave pinis long Simon Bernard....

Planti email wok long raun long pes bilong Simon Bernard man husat i paitim na tosarim meri bilong em Joy Wartovo. NCD Metropolitan Superintendent Tondop i bin mekim toksave olsem, sapos yupela i lukim dispela Waif Besha, toksave long em na ol polis ken go na arestim em. Man yah em bagarapim gutpela nem bilong ol polismanmeri long pasin bilong paitim meri bilong em na tosarim em.

## Eleksen i klostu nau...

Dispela nupela gavman i mekim kainkain wok long kisim bel bilong ol manmeri long votim ol gen long 2012 ileksen. Mi no save, pasin bilong Deputi PM Beldem Namah na ol disaipol bilong em i wok long givim moni nating nating long ol plesman na tokim ol olsem gavman bilong em bai sanap strong moa yet long yia 2012 na i go moa yet. Em wanem? Pasin bilong kempen hariap hariap em brukim mama lo bilong PNG. Go sekim Vanimo,

kainkain reip na kilim man nating i wok long kamap bikpela long Sandaun. Na PM bilong yumi wok long raunraun yet long ovasis na i no sindaun malolo liklik. Tok tasol. Samting bilong yupela. Mi peim bikpela takis bilong yupela na pei bilong mi i go daun tru a no inap long baim kaikai we prais i go antap tru. Sapos dispela gavman i stretim na daunim ol prais bilong kaikai lon olgeta bikpela stua, yu tru bai yu gat vot bilong mi long dispela 2012 ileksen.

Tok Win Tasol...

S	S	R	E	K	I	K	O	P	I	S	Y	O	B	W	O	C
T	E	R	A	D	R	E	H	A	P	T	A	I	M	B	R	O
O	W	S	T	I	R	W	E	L	L	S	A	S	K	E	R	W
R	T	R	E	S	D	E	A	L	H	D	O	C	M	O	R	B
M	O	O	E	S	V	E	L	A	S	R	E	T	S	O	O	R
A	E	R	R	H	J	S	R	E	G	I	T	T	S	E	W	Y
S	T	H	G	I	N	K	E	S	A	D	B	N	M	U	O	S
S	E	F	T	I	S	A	I	T	U	E	H	G	I	V	F	O
S	E	R	A	R	B	H	I	U	K	E	B	I	S	B	U	U
R	R	A	P	I	S	T	O	S	I	L	E	L	R	T	L	S
O	E	P	E	I	N	E	N	P	A	S	D	I	E	R	T	G
I	M	P	R	A	N	O	S	T	E	R	O	K	H	E	A	O
R	I	C	H	E	G	A	L	E	R	N	S	C	T	N	I	D
R	I	K	M	A	B	L	S	C	S	D	I	P	N	B	M	L
A	S	K	R	E	T	E	E	R	H	S	I	O	A	O	E	L
W	E	D	N	I	T	C	H	S	E	R	T	I	P	O	R	U
A	D	R	R	A	B	B	I	T	O	H	S	I	R	H	C	B

PAINIM OL DISPELA NEM BILONG OL TIM INSAIT LONG NRL RESTS:

BRONCOS	COWBOYS	EELS	RAIDERS	SHARKS
STORM	SEA EAGLES	DRAGONS	ROOSTERS	WARRIORS
WEST TIGERS	RABBITHS	BULLDOGS	PANTHERS	KNIGHTS
KIKOP	HAP TAIM	FUL TAIM	FAINOL	

9	8	2	3	6		
	5	3	1	8		
3		7		4	5	
	9	2	8	4	6	3
4	7	5	6	3	8	
2	5		4		8	
	4	8	7	5		
7	3	5	4	1		

9	8	5	6	3	7	1	4	2
3	6	7	1	4	2	9	8	5
1	4	2	8	9	5	3	7	6
7	2	9	4	5	6	8	1	3
6	1	8	3	2	9	4	5	7
5	3	4	7	1	8	2	6	9
4	7	1	2	6	3	5	9	8
2	5	6	9	8	1	7	3	4
8	9	3	5	7	4	6	2	1

Ansa bilong las wik Sudoku

Ansa bilong las wik Pasol

B	U	K	A	P	O	T	M	O	S	B	I	K		
L	B	A	B	A	W	A	M	E	R	E	K	V		
A										N	I			
E	M	A	D	A	N	G				D	E			
A	L	O	T	A	U	A	G	W		A				
E	N													
B	U													
M	K													
I														
K	U													
M	L	U	A	B	A	R	U	A	G	N	E	R	O	L

# EMTV Television Guide

## MANDE, NOVEMBA 21, 2011

5.00AM G JOYCE MEYER Religious Program  
 5.30AM G TODAY  
 DEPARTMENT OF EDUCATION CLASSROOM BROADCAST  
 9.00 - 9.40AM GRADE 7 MATHEMATICS  
 9.50 - 10.30AM GRADE 7 SCIENCE  
 10.40 - 11.15AM GRADE 8 MATHEMATICS  
 11.20 - 12.00PM GRADE 8 SCIENCE  
 12.30PM EMTV MIDDAY NEWS  
 DEPT OF EDUCATION CLASSROOM BROADCAST CONTINUES....  
 1.00 - 1.40PM GRADE 6 MATHEMATICS  
 1.50 - 2.30PM GRADE 6 SCIENCE  
 2.30 - 3.00PM DEPI PROGRAMME  
 STATION OPEN  
 KIDS KONA  
 3.00PM G MAGICAL TALES  
 3.30PM G HI-5  
 4.00PM G THE PYRAMID  
 4.30PM G THE SHAK  
 5.00PM G HOT SOURCE

5.55PM G CRIME STOPPERS  
 6:00PM G NATIONAL EMTV NEWS  
 7.57PM EMTV TOK SAVE  
 7.30PM M RESCUE SPECIAL OPS  
 .30PM M SEA PATROL  
 9.30PM M COPS LAC  
 10.30PM G NATIONAL EMTV NEWS REPLAY  
 11.30PM AUSTRALIA NETWORK

## TUNDE, NOVEMBA 22, 2011

5.00AM G JOYCE MEYER Religious program  
 5.30AM G TODAY  
 DEPARTMENT OF EDUCATION CLASSROOM BROADCAST  
 9.00 - 9.40AM GRADE 7 MATHEMATICS  
 9.50 - 10.30AM GRADE 7 SCIENCE  
 10.40 - 11.15AM GRADE 8 MATHEMATICS  
 11.20 - 12.00PM GRADE 8 SCIENCE  
 12.30PM EMTV MIDDAY NEWS  
 DEPT OF EDUCATION CLASSROOM BROADCAST CONTINUES....  
 1.00 - 1.40PM GRADE 6 MATHEMATICS

1.50 - 2.30PM GRADE 6 SCIENCE  
 2.30 - 3.00PM DEPI PROGRAMME  
 12.00PM EMTV MIDDAY NEWS  
 3.00PM G MAGICAL TALES  
 3.30PM G HI-5  
 4.00PM G THE PYRAMID  
 4.30PM G THE SHAK  
 5.00PM G HOT SOURCE  
 Kids Series  
 5.30PM G MILLIONAIRE HOT SEAT

## TRINDE, NOVEMBA 23, 2011

6:00PM G NATIONAL EMTV NEWS  
 7.00PM G HAUS & HOME  
 7.57PM EMTV TOK SAVE  
 8.00PM PG DESPERATE HOUSE WIVES  
 9.00PM PG BROTHERS & SISTERS  
 10.00PM G PORTRAIT OF A NATION  
 11.30PM G EMTV NEWS REPLAY  
 12.30PM AUSTRALIA NETWORK

DEPARTMENT OF EDUCATION CLASSROOM BROADCAST  
 9.00 - 9.40AM GRADE 7 MATHEMATICS  
 9.50 - 10.30AM GRADE 7 SCIENCE  
 10.40 - 11.15AM GRADE 8 MATHEMATICS  
 11.20 - 12.00PM GRADE 8 SCIENCE  
 12.30PM EMTV MIDDAY NEWS  
 DEPT OF EDUCATION CLASSROOM BROADCAST CONTINUES....  
 1.00 - 1.40PM GRADE 6 MATHEMATICS  
 1.50 - 2.30PM GRADE 6 SCIENCE  
 2.30 - 3.00PM DEPI PROGRAMME  
 12.00PM EMTV MIDDAY NEWS  
 3.00PM G MAGICAL TALES  
 3.30PM G HI-5  
 4.00PM G THE PYRAMID  
 4.30PM G THE SHAK  
 5.29PM G EMTV NEWS UPDATE  
 5.00PM G HOT SOURCE  
 5.55PM G CRIME STOPPERS  
 6:00PM G NATIONAL EMTV NEWS  
 7.00PM G THE WORLD AROUND US

7.57PM EMTV TOK SAVE  
 8.00PM PG SURVIVOR SOUTH PACIFIC  
 9.30PM PG GREY'S ANATOMY (NEW NIGHT & TIME)  
 11.45PM G NATIONAL EMTV NEWS REPLAY  
 1.00AM AUSTRALIA NETWORK

Ol Program na Kilok i ken senis oltaim...



# China bai wokim Usino mausrot-Yamagi rot wantaim K22 milien

**James Kila i raitim**

**GAVMAN bilong China long las wik Fonde i amamas long brukim graun long wokim kamap wanpela bikpela rot projek stat long Usino mausrot i go long Yamagi insait long Usino-Bundi distrik long Madang provins.**

Mani mak long mekim dispela bikpela rot projek em moa long K22 milien we i kam long gavman bilong China aninit long China-aid.

Dispela projek i kamap bihain long gavman bilong PNG i bin askim gavman bilong China long helpim long wanpela grent long yia 2006.

Embeseada bilong China long PNG, Qiu Bohua i tokim bikpela lain manmeri husat i bin bung long Usino lokal level gavman (LLG) stesin olsem gavman bilong China i amamas long helpim pipel bilong Usino-Bundi wantaim dispela rot projek bikos ol i bilip ol lokal pipel bai i ken yusim dispela rot long wokabaut i go kam na tu draiv na yusim transpot long bringim ol gaden kaikai bilong ol i go long maket na tu ol skul na helt senta insait long eria bai i ken painim isi long bringim ol saplai bilong ol na kamapim senis na developmen long ples bilong ol.

Gavana bilong Madang, James Gau wantaim deputi gavana Bob Wati, i givim bikpela tok amamas i go long gavman bilong China long dispela helpim long rot projek.

Dispela seremoni long Usino LLG stesin i lukim naispela kala tru wantaim singsing tumbuna na tu ol lain wokman bilong kontraksen kampani bilong China i werim ol yunifom na stap wantaim ol wanwok bilong ol bilong PNG.

Mista Qiu i kisim dispela taim tu long tokim kontrakta bilong China long wok hat na tu wok klostu wantaim ol Madang provinsal gavman na lokal pipel long kamapim gutpela kwaliti rot we ol pipel long distrik i ken amamas long en.

Em i askim gavman bilong PNG long sapot na givim gutpela sekuriti na was long eid tim bilong China na larim ol i kamapim gutpela wok kontraksen long dispela rot projek.

Mista Qiu i tok Madang provins i gat bikpela luksave pinis long sait bilong wok bung na em i patna long sait long koporesen namel long China na PNG na i gat bikpela invesmen bilong China tu i stap long en em long Ramu nikel na kobalt projek na tu China i givim soft lon o dinau long kamapim wok long Pasifik Marin Industrial Zon (PMIZ).

"Mi gat bikpela bilip olsem, taim yumi holim han wantaim na wok bung namel long yumi yet, yumi ken kamapim moa wok long sait bilong wokim kamap rot na bris, edukesen, helt, kalsa, spot na ol narapela eria bilong developmen," Mista Qiu i tok.

Gavman bilong China insait long ol yia i go pinis i bin givim planti gutpela sapot na halivim i go long PNG gavman long lukim ol sosel na ekonomik developmen na dispela i lukim planti ol projek i kamap insait long kantri. Sampela ol bikpela projek we gavman bilong China i helpim givim mani na i kamapim em Se John Guise Spots stadium, Wawin Nesanel Haiskul, Kandep Agrikalsa Stesen

na Wit Teknikal Koporesen Projek, Isten Hailans Masrum na Draiv Len Rais Projek, wokim kamap bilong ol ples skil bilong ol sumatin long Vudal yunivesiti long Is Nu Briten, Lae Fiseris Prosesing na Kol Stores fasiliti, Wewak Spots stadium, stretim long Papa-Lealea rot, helpim bilong Hagen Agrikalsa Teknikal Koporesen, na China i salim ol eid medikal tim bilong em i kam wok long ol hausik long PNG.

Moa long en tu, planti handret PNG sumatin i go mekim ol digri stadi bilong ol long China. Moa long 400 gavman ofisal bilong PNG na ol teknikal lain long ol sekta i go long China long stap insait long ol trening long wok.

Embeseada Qui i tok dispela yia 2011 i makim 35 yia anivesari bilong diplometik wok bung-wantaim namel long China na PNG.

"35 krismas i go pinis, PNG gavman i mekim gutpela lukluk i go pas na i kamapim gutpela wok bung namel long PNG na China. Stat long dispela taim i kam, wok rilensen namel long PNG na China i go gut tru na i bihainim pasin bilong save gut long ol yet na kisim helpim namel long gutpela kantri," Mista Qui i tok.

Mista Qui i tokaut tu olsem 2011 i makim gutpela taim long kisim kaikai bihain long dispela gutpela wok bung wantaim namel long tu-pela kantri long sait long ekonomik koporesen o wok bung-wantaim.

Em i tok wantaim dispela Usino maus-rot i go Yamagi rot projek bai i gat ol arapela bikpela projek tu em gavman bilong China bai i helpim PNG long kamapim. Sampela long ol dispela bikpela projek em wokim kamap bilong ples slip (domitori) long Yunivesiti ov Goroka (UOG), namba tu hap wok long Mt Hagen Teknikol Koles Projek, Distens Edukesen Netwok bilong Komyuniti Koles Projek na Intagreted Gavman Infomesen Sistem Netwok Projek (IGIS), PMIZ projek na Intanesenel Konvensen Senta Projek.

Usino LLG presiden na deputi gavana bilong Madang, Mista Wati i tok amamas long Ramu NiCo (MCC) long planti ol gutpela helpim long sait long rot na bris olsem bikpela Ramu NiCo bris, Usino rot i go antap long Kurumbukari (KBK) na ol rot long main eria na tu helpim kampani i givim long ol skul, klinik na ol narapela komyuniti donesen.

Madang Gavana, Mista Gau i sapotim deputi bilong em Mista Wati, long givim tok amamas i go long gavman bilong China na tu Ramu NiCo (MCC) long bringim kamap sampela infrastraksa developmen (rot na bris) projek long Usino-Bundi distrik. Mista Gau i tok gavman bilong em bai sapotim developmen na tu Ramu NiCo projek long go het long bringim gutpela helpim na sevises long ol pipel na komyuniti insait long Usino-Bundi, Raikos distrik, Madang provins na Papua Niugini.

Wanpela dairekta bilong Maigari, Inlen Paiplain Papagraun Kampan, Sun Beg i tokaut olsem stap bilong Ramu NiCo projek i bringim kamap planti gutpela senis we planti ol pipel long distrik long pastaim i no save lukim. Na wantaim dispela rot projek i kam insait, ating moa gutpela senis na developmen bai kamap long helpim ol pipel bilong Usino-Bundi.



Embeseada bilong China long PNG, Qui Bohua (namba tu long lephan) wantaim Madang Gavana, James Gau i sanap wantaim Vais presiden bilong Ramu NiCo, Gu Yuxiang i sanap wantaim kontraksen wokman. **Poto: Mathew Yakai**



Ol kontraksen wokman wantaim ol wanwok bilong PNG i harim toktok long seremoni long las wik Fonde. **Poto: Mathew Yakai.**



Ol bikpela masin bilong wokim rot i sambai tasol long mekim wok.



Ol singsing grup bilong Usino i samsam Ol China rot kontraksen wokman i mangalim ol lain i samsam. **Poto: Mathew Yakai**



## Raun wantaim Kanage olgeta wik



**NEM:** Kisip Kembo  
**KRISMAS:** 19 (man)  
**ADRES:** ST. John De Baptist Primary School, P.O. Box 220, Kerema Gulf Provins  
**SAVE LAIKIM:** Pilai spots, watsim muvi, go Lotu, ridim buk na mekim pani

**NEM:** Isaiah Bonga  
**KRISMAS:** 28 (man)  
**ADRES:** P. O. Box 407, Popondetta, Oro Provins  
**SAVE LAIKIM:** Pilai Voli bol, Tas ragbi, pilai gita, lukluk TV( NRL), raitim pas, mekim na go Lotu

**NEM:** Rian Monghongho Alphonse  
**KRISMAS:** 18 (man)  
**ADRES:** Aniep Village, C/- ST. Mary's, P.O. Box 125, Leitre, Vanimo, Sandaun Provins  
**SAVE LAIKIM:** Harim musik, pilai soka, voli-bol, basketbol, go Lotu na mekim pren

**NEM:** Anestine Funumari  
**KRISMAS:** 18 (meri)  
**ADRES:** Notre Dame Secondary School, P.O. Box 164, MT Hagen, WHP  
**SAVE LAIKIM:** Ridim Baibel, singsing, harim musik, pilai basketbol, netbol, mitim ol poroman na lukluk TV.

**NEM:** Koron Amun  
**KRISMAS:** 25 (man)  
**ADRES:** P.O. Box 3079, Lae, Morobe Provins  
**SAVE LAIKIM:** Harim musik, pilai Kompyuta, ridim buk na mekim pren

**NEM:** Kaiya Yoan  
**KRISMAS:** (man)  
**ADRES:** C/- Bema Primary School, P.O.Box 37, Kerema Gulf Provins  
**SAVE LAIKIM:** Pilai soka, mekim Jokes na pilai volibol wantaim ol poroman

**NEM:** Ruben Yawa  
**KRISMAS:** 18 (man)  
**ADRES:** Muli Primary School, P.O. Box 69, Mendi, SHP  
**SAVE LAIKIM:** Harim musik, pilai soka, basketbol, volibol, ragbi tas na mekim pren wantaim wanpela Lotu man o meri

**NEM:** Stanson Petiti  
**KRISMAS:** 20 (man)  
**ADRES:** C/- BSC ANZ Bank ( PNG) Ltd, P. O. Box 1152, Port Moresby NCD Papua Niugini  
**SAVE LAIKIM:** Pilai Gita, ridim Baible, mekim fani na stori wantaim ol poroman

**NEM:** Joel Kenis Amaekam  
**KRISMAS:** 29 (man)  
**ADRES:** Huon Gulf, Lae 411, P.O. Box 164 Lae, Morobe Provins  
**SAVE LAIKIM:** Mekim fani, eksasais, pilai lilik, pilai ukulele, gita, singsing, skerim tok wantaim narapela liklik, ritim baibel, komik, harim Radio Lait na Katolik FM, na painim wanpela meri long maritim na stap oltaim.

**NEM:** Anne Mary Yuwei  
**KRISMAS:** 21(meri)  
**ADRES:** Pes Primary School, P.O. Box 36, Aitape, Sandaun Provins  
**SAVE LAIKIM:** Pilai soka, Volibol, mekim pani, go Lotu, harim musik na watsim TV.

## Mangi Papua...

Kanage i save stap long Mosbi. wanpela wiken, boi kalap long balus na go long Rabaul. Em i go long lukim ol bagarap maunten paia i kamapim. Balus i go kamap long Rabaul ples balus na Kanage lusim balus na go arasait. Em i lukim wanpela yangpela meri tolai sanap au-sait long teminel na em i askim meri long tok inglis olsem, "Hey lady, is this Rabaul town?" Meri tolai kirap na bekim. "Em nau." Kanage paul na askim gen na meri ya i mekim wankain toktok. Kanage belhat na tokim dispela yangpela meri Tolai olsem, "Oh no. it seems that she is trying to trap me. This is not Rabaul. Em i tok olsem pinis na kalap long balus na go bek long Mosbi. Samting tru i olsem Kanage i no save long tok pisin. Em i save long tok inglis tasol. Watpo? Bikos em i bilong Papua yah.

Lapun Hookworm  
 Lae

## Samting Yah Banana...

Kanage go painim buai long Wewak makei i stap na harim ol manmeri i singaut nabaut na tok olsem tupela meri i pait long wanpela man. Em i harim olsem na givim 20t i go long wanpela lapun mama na sindaun i go daun long kisim buai. Taim em i wok long kisim buai ol manmeri i singaut moa na bik maus i



stap. Kanage harim i go nogat na em i askim lapun mama. Lapun mama i kirap na tokim Kanage. Bipo long taim bilong mipela ol lapun mama mipela i save pait long dispela hap bun bilong pik. Tasol long nau long dispela taim ol wait man i brigim na kamapim kain kain samting. Asua bilong ol wait man na nau tupela yangpela i wok long kros pait long samting ya banana. Kanage ya harim lapun ya tok olsem na em i lap nogut tru. Mama, dispela fasin filong yufela Sifik na mipela i save les. Fikos yufela i no save fihainim lo filong Faifel i staf long Matyu 7:7

Wantok man  
 Wewak.

## Kus Marasin...

Lapun Kanage kus i go tulait na go long haus sik long kisim sampela kus marasin. Em i go kamap long haus sik na wanpela nes meri askim em long wanem kain sik i kisim em. Na Kanage kus wantaim na tokim nes meri: O pikinin, strongpela kus i bagarapim mi stret. Mi no slip long nait. Mi kus i go i go na skin

## Mi stap long hevi na mi laikim helpim

## Dia Laipain,

MI WANPELA gel i gat 17 krismas na mi save stap wantaim papamama, tupela brata na tupela susa long ples. Haus bilong mipela i stap em yet na i longwe long bikples bilong mipela. Mi pinisim Gret 10 tasol mi no skruim skul bilong mi bikos i nogat gutpela sapot long papamama bilong mi. Mi nabawan pikinini long famili na mi sapos long skruim skul na bihain, painim wok long sapotim famili bilong mi.

Tasol mi no nap wokim dispela bikos mi stap nating long ples nau. Papa i lukim olsem mi no wokim wanpela samting na em i kros na tok mi westim nating mani bilong em we em bin baim skul fi i go long Gret 10 level. Wanpela apinun, em bin kam bek long taun wantaim sampela kaikai bilong haus, tasol em i spak wantaim tu. Ol narapela barata na susa i no kam bek long haus yet bihain long skul na mama i stap yet long gaden tu. Em i lukim olsem nogat man long haus na em bin askim mi long go wantaim em long wara na wetim em i waswas.

Long wara hap, em i givim mi sampela ol kaikai em bin baim na taim mi wok long kaikai i stap, em i giman waswas na rausim ol klos bilong em. Kwiktai em i kam long baksait bilong mi, pukim na daunim mi na wokim pasin nogut long mi.

Mi pret long tokim mama bilong mi na husat moa long dispela samting. Tasol em i wok long mekim nabaut yet long mi. Bai mi mekim wanem na em i ken lusim mi? Mi no save bai mi mekim wanem na mi laik kilim mi yet. Plis, helpim mi.

## Daughter, Contemplating Suicide

## Dia Pren

Tenkyu long yu i gat strong long rait i kam long mipela na tokim mipela long hevi yu bungim long ples.

Mipela i luksave watpo planti yangpela pipel i bungim dispela kain hevi ol famili memba yet bilong ol i givim. Mipela i bilip olsem dispela i kamap bikos i nogat komitmen na tras i stap insait long famili. Tu, ol i no givim ol wanwan famili memba ol wok long mekim insait long famili yet.

Pren, mipela i laik tok olsem long planti yia i go pinis, famili i bin wanpela strongpela yunit we laik pasin, lukautim na helpim wanpela narapela em i bikpela samting. Ol famili na pren i bin raun i go long haus bilong wanpela



narapela bilong lukim olsem famili i stap gut long ol kain kain birua.

Tasol long tude, dispela kain bilong helpim wanpela narapela i no stap moa na pipel i stap bilong ol yet. Mipela i bilip olsem taim ol man i stap wan ol yet na ol i nogat narapela long stap, toktok na sea wantaim, ol kain tingting na pasin nogut i save kamap long het na pasin bilong ol we i no stret long ai bilong God na man.

Pren, dispela kain pasin we wanpela famili memba i mangalam na wokim pasin nogut long narapela family memba i no bin stap samting olsem 20 krismas i go pinis, tasol nau, em i wok long kamap planti. Mipela i bilip olsem wan wan man i ken traim long skelim laip bilong em na wokim senis long kamapim gut laip bilong ol yangpela pipel na ol lain bai i kam bihain.

Mipela i amamas long yu i strong long wokim samting long dispela samting nogut i kamap long yu. Mipela i luksave olsem em i no isi long toktok long dispela pasin nogut papa i famili na wanblut stret i wokim long yu. Dispela i bikpela asua tru na i brukim lo bilong yumi. Mipela i enkarijim yu long toktok long wanpela man o meri we yu trastim na kisim helpim kwiktai.

Pren, papa i wokim pasin nogut long yu na dispela bai mekim yu abrusim em nay u go klostu long mama bilong yu. i moabeta yu toktok long em long samting i kamp long yu.

Pren, yu mas tingim ol mama i save laikim ol pikinini bilong ol moa moa yet na mama bilong yu bai helpim yu sapos yu toktok long em long samting i kamap long yu. Sapos yu painim hat long tok-tok long mama, yu nap yusim wanpela brata o susa bilong yu long tokim em olsem yu laik toktok wantaim em. Mipela i luksave olsem dispela bai i no isi long tokaut long samting i ka map long yu. Bihain yu tokim mama bilong yu, yu ken go lukim pasto o pater long helpim yu na mekim samting long putim ripot long samting i kamap long yu.

Sapos yu no inap yusim ol famili memba, yu ken yusim wanpela lain au-sait long famili yu trastim o pilim olsem yu ken toktok long em. Long nau, i moabeta yu abrusim papa bilong yu na i no

bilang mi i bagarap. Nes meri kirap na tokim Kanage. Sori tru papa. Gavman i sot long mani na mipela tu i sot long kus marasin. Kanage harim olsem na tokim nes. Na bai olsem wanem nau. mi i kam long kisim marasin. Mi no kam long yu tokim mi olsem gavman sot long mani na nogat kus marasin. Nes meri ya tingting i go na tokim Kanage. Maski yu go long haus na painim sampela tumbuna marasin na dring. Kanage belhat na tokim nes meri ya olsem. Sapos mi go long haus na kus i mekim save long mi. bai mi kam bek long hausik na kisim yu go long haus na bai yu soim mi olsem we bilong wokim marasin bilong ol wait man

Marasin boi  
 Wewak

## Ol skwat!

Salim ol gutpela Kanage  
 tok pilai i kam long:

Kanage Tok Pilai  
 P.O. Box 1982,  
 Boroko, NCD  
 Port Moresby.

Email: [atolire@wantok.com.pg](mailto:atolire@wantok.com.pg)

go klostu long en. Mipela i bilip olsem yu nogat tras o luksave moa long papa bilong yu. Em i bikpela sem tru long papa o narapela famili memba long wokim dispela kain pasin long narapela famili memba.

Yu gat rait long papamama i lukautim yu na em i wok bilong ol long givim yu edukesen na lainim yu long kamap wanpela gutpela sitisen o manmeri bilong dispela kantri. Ol pikinini i gat ol rait long stap, muv na gat ol samting we olgeta pikinini i mas gat long groap na stap gut.

Pren, sapos samting we papa bilong yu i wokim i kamap long ples klia, papa bilong yu i ken go long haus kalabus na dispela i ken givim tok lukaut long ol narapela papa long ol i noken mekim dispela kain pasin. Mipela i bilip olsem ol papa i bos long ol family tasol sampela papa i no mekim wok bilong ol na ol i laik ekting yangpela olsem ol pikinini bilong ol. Na dispela i sori na sem pasin long ol dispela papa.

Mipela i strongim yupela ol yangpela pipel olsem sapos yupela i lukim sampela samting i no wok long go gut namel long yu na papa o mama o ol narapela famili memba, yum as wokim samting kwik o toktok long wanpela lain husat yu trastim na dispela i ken sevim yu long birua pasin i ken kamap long yu.

Pren, las long en, mipela i strongim yu long lukluk long God long helpim yu na givim yu stia. Pre long em long givim yu strong long stretim dispela kain samting we i ken kamapim pogiv nab el gut pasin bihain taim.

Tenkyu gen long strong yu gat long traim mekim samting long dispela birua nogut stret ol i kolim "incest" we i wanpela kraim na i brukim lo.

God i ken givim yu strong.

Pren bilong yu Laipain

Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.  
 Laipain



Liklik Bisnis...

# Mama bilong tripela pikinini mekim mani long Karuka mat



Nicky Bernard i raitim

KALA bilong em tasol bai pulim ai bilong yu sapos yu ron long kar long Mosbi na go olsem long 5-mail. Ol bai sanapim long sait bilong rot na bai yu no inap abrusim. Liklik bisnis i bungim wanpela mama bilong tripela pikinini na em bilong liklik ples Baramata namba 4 long Abau insait long Sentral provins. Regina na tripela pikinini bilong em Ronnie, Sibona na liklik Nelly, i save mekim karuka o pandanas lip mat na kam salim long Mosbi. Mama Regina tok, em save mekim mat long tupela wik

tasol long ples na namba tri wik em save karim kam long taun long salim. "Wanpela de sapos mi hariap bai mi ken mekim olsem 4 o 5-pela mat long wanem sais mi laikim" Regina tok. Ol mat bilong em i gat kainkain sais na i kam tu long prais stat long K50 na go antap long K80, na sapos ol lain i kam baim ol liklik long K50.00 em ken mekim olsem K250 o K300 long wanpela de. Em i tok ol dispela lip karuka o pandanas i helpim em gut tru long skul bilong ol pikinini bilong em, na ol kaikai

long stoa taim em laik go bek long ples. "Mi save lusim mani long baim ol kala bilong lip karuka, K60 long PMV long tupela rot wantaim na liklik kaikai long helpim ol famili bilong mi we mi stap wantaim ol long Gordons taim mi kam long ples". Regina i tokim liklik bisnis. Mama Regina wantaim ol pikinini bilong em i stap long taun tupela wik, na long taun na insait long narapela wik em na ol pikinini bilong em bai go bek long ples bilong ol long Abau. Long tupela wik bihain bai ol i kam bek gen wantaim ol naispela kala karuka mat.

# Carpenters Motors i op pinis

Aja Alex Potabe i raitim

CARPENTERS Motors em i wanpela nupela na gutpela hap long baim kar long PNG. Ol i opim pinis bisnis na sevis senta bilong ol long Mosbi long Sarere wik i go pinis, na i gat gutpela as long baim kar long Carpenters Motors. Dila Prinsipel o bosman, Peter Gregory, i tok, Carpenters em i gutpela hap long baim kar, bikos ol i salim ol kar sampela manmeri i bin yusim pinis long PNG, na i kam long Japan wantaim. I no long taim ol bai salim

kain ol strongpela kar olsem Kia bilong Korea, na Range Rover bilong Ingran (UK), tasol nau yet ol i salim Vista, Corola, Prado, Pajero, Sedan, Nissan Sunny, Cefiro, na ol arapela bren tu. Ol i gat 120-pela seken hen kar long salim aninit long wanpela nupela sistem bilong ol yet, ol i kolim 'daimon klas.' Daimon Klas bai givim fri warenti sevis bilong sikspela mun, taim ol arapela kar dila long PNG, i save givim warenti long tripela mun tasol. "Antap long dispela, ol bai givim fri sevis na fri injin war-

enti gen bilong sikspela mun olgeta. Na bai yu baim injin long 10 pesen diskaunt. Taim sefti stika bilong kar i ekspaisa, ol bai givim fri na sekim bagarap long kar i go inap kar bagarap olgeta," Gregory i tok. Em i tok ol i gat gutpela woksop, na 30-pela strongpela wok manmeri i stap rere long stretim wari na hevi bilong ol kastoma bilong ol. Carpenters Motors em i haus bisnis bilong WR Carpenters kampani grup, na Boroko Motors em bilong ol. Carpenters Motors i nau stap long Fiji na Vanuatu tu.

# Liklik na namel sais bisnis bai kamap gut

Aja Alex Potabe i raitim

PRAIM Minista Peter O'Neill i tok, dispela 19 APEC miting long Honolulu, Hawaii long Novemba 13, 2011, i toktok moa long kamapim tupela bikpela samting long halivim liklik, na namel sais bisnis long kamap gut long Esia-Pasifik rijen. APEC i gat 21-pela memba kantri, na olgeta lida bilong Esia-Pasifik i strongim sapat, na sainim wanpela agrimen 'Honolulu Declaration' long halivim liklik na namel sais bisnis groa na kamap gut long wol maket na globol prodaksen sen. O'Neill, husat i kam bek long kantri hap aste apinun bihain long APEC miting, i tok, ol APEC lida i toktok long promotim gutpela, stretpela na strongpela polis bilong salim o, maketim ol liklik samting ol wanwan kantri bilong ol i save mekim long en. Em i tok ol sampela kantri olsem Malaysia, South Korea, na China i

tingting long halivim PNG wantaim teknoloji na save ol i gat, bikos ol i bin traimit dispela pinis. O'Neill i tok, ol memba kantri i sainim dispela Honolulu Dekleresen, na wanbel na i tok, long 2012 ol bai kamapim wanpela lis bilong salim namel long ol yet ol samting i no save bagarapim envaromen. Long 2012, ol bai rausim faiv pesen tarif mani long salim dispela kain samting i go long narapela APEC memba kantri bikos em i save halivim envaromen na bai no inap kamapim klaimet level bilong solwara. Ol APEC memba kantri bai tu apim mani mak bilong ol arapela samting blong salim, tasol ol i ken kamapim klaimet senis birua, na bagarapim envaromen. O'Neill i tok ol APEC lida i wanbel long katim daun o lus tingting long baim na salim bilong ol disel, petrol o kol bikos simuk na simel nogut bi-

long dispela kain samting i save bagarapim envarairomen. Ol i tok tu olsem i mas i gat wanpela samting olsem man o masin long lukluk insait long stopim na bihainim dispela pasin sapos sampela kantri i mekim yet, na tu lukluk long olgeta APEC kantri long bihainim dispela. Olgeta APEC lida i tok promisi long stat mekim ol dispela samting long 2013 long kamapim gutpela loa long mekim dispela wok long kantri bilong ol yet. Ol bai putim ai klostu klostu long sekim sapos dispela em i wok o nogot, na bai kisim tingting bilong ol pablik tu. Ol lida i wanbel long wok strong long kamapim strongpela bisnis komyuniti long kamapim gutpela kantri. Dispela kamap na kantri bai groa long gutpela bisnis na manmeri bai i gat planti wokmani long mekim long sapatim laip bilong ol.

# CPL winmani i go antap long 82 pesen

CITY Pharmacy Ltd (CPL) Grup, em i wanpela biknem kampani husat i gat planti bikpela stoa long PNG. CPL i bin stat liklik tru, tasol em i wok long groa yet na nau em i mekim bikpela winmani. Siaman Mahesh Patel, i tok, winmani bilong CPL i groa i go antap long 82 pesen long namba tri kwota bilong yia 2011.

Long 2010, CPL i bin mekim K7, 019,348 winmani long kwota namba tri, tasol nau em i mekim K12, 797,005 winmani bihain long gavman takis i go aut.

Olgeta winmani bilong CPL i nau go antap long K230, 026,007.

Las yia, CPL i bin mekim K178, 917,095, tasol nau winmani i go antap long 29 pesen.

CPL i mekim bisnis gut bikos ol i apim namba bilong olgeta samting ol i save salim long olgeta divisen bilong stoa, na nau fot kota tu bai kamap gut.

Hardware Haus, wanpela haus bisnis bilong CPL, tu i soim gutpela sain long mekim bikpela winmani dispela yia.



CPL Siaman: Mahesh Patel

Patel i tok: "Mipela bai putim ai long ol kastoma, wantaim mani mak, kainkain samting bilong salim na kwaliti long inapim groa bilong kampani. CPL kampani bai wok stretim saplai sen na teknoloji lo halivim ol kastoma na tu mekim moa mani." "Mipela ting dispela

gutpela sain bai kamap yet na pinisim dispela yia gut wantaim groa bilong winmani i go antap long 50 pesen. Taim mani pawa bilong PNG i go antap, salens tu bai i stap yet bikos mani mak bilong rent, pawa bil, sikiriti na ol arapela samting tu bai go antap," Patel i tok.





# Ramu NiCo putimaut namba tu Sasteinabiliti Ripot bilong en

**RAMU NiCo Menesemen (MCC) Limited long dispela mun tasol i putim kamaut namba tu Sasteinabiliti Ripot bilong en .**

Dispela namba tu Sasteinabiliti Ripot i karamapim gut tru ol sasteinabiliti wok we i bin kamap insait long yia 2009 na 2010.

Dispela Sasteinabiliti Ripot em Ramu NiCo i kamapim wantaim gutpela luksave na bihainim tingting bilong Global Ripoting Inisitiv (GRI) na GRI Maining Saplimentari Index wok.

Dispela i min olsem Ramu NiCo Sasteinabiliti Ripot i wok klostu wantaim bikpela luksave na tu tingting i kam long tupela bikpela intanesenel stendet na gaidlain. Dispela em Global Kompekt na Intanesenel Kaunsil bilong Maining na Metals (ICMM) ol Sasteinabel Developmen Prinsipel.

Dispela ripot i givim sampela gutpela stori bilong ol pipel, ol projek na wanem invesmen we i bringim Ramu NiCo i kam long wanem mak tru em i stap long en tude.

Insait long ripot i gat ol stori bilong Ramu NiCo i yusim ol wol klas teknoloji na samting bilong karimaut wok, na i givim ripot tu long tupela yia bilong wok konstraksen we kampani i stap strong na luksave long wanem samting em i mas mekim insait long MOA (memorandum ov agrimen) long givim helpim i go long lokal komyuniti.

Insait long ol komyuniti projek, Ramu NiCo i stat lukluk long envairomen asesmen o glasim wanem samting i ken kamap long bus, graun na wara long eria na helpim long kamapim sampela wok long stopim bagarap long kamap na tu i wok klostu wantaim ol lokal gavman long bringim kamap ol sevises. Kampani i soim sain o signol long ol lokal stekholda olsem Ramu NiCo em holim strong pasin bilong wok long taim insait long rijon.

Ol seksin insait long dispela namba tu Sasteinabiliti Ripot i stori moa long ol bikpela wok na komitmen bilong kampani we i karamapim:

- Gutpela Lukautim mas go long bus, graun, wara na ples (envairomen)
- Rilokesin na kompensesen
- Wok strong long seif wok ples, na
- Invesmen long komyuniti.

Bod siaman bilong Ramu NiCo Menesemen (MCC) Limited, Madam Luo Shu i toktok long ol tok i go pas insait long dispela namba tu Sasteinabiliti Ripot olsem ol rot i kam bihain em longpela rot we igat planti gutpela promis i stap, na Ramu NiCo i lukluk fowat long kisim dispela rot na wokabaut wantaim ol stekholda na bungim gutpela taim long bihain.

Madam Luo i tok kliia olsem taim Ramu NiCo i go insait long operesen taim bilong en, kampani bai i stap long wanpela posisen long stretim wanem ol fainensal komitmen em i mekim wantaim ol stekholda bilong en na bai i go het long stretim na mekim gut ol sosel, ekonomik na envairomen promis em i mekim long ol komyuniti.



**Basamuk refinery tete we supamaketai i sanap klostu long em.**


Komisinim bilong Projek em olsemstat tasol. Planti ol gutpela komesal na gutpela sasteinabiliti wok bai kamap long go wantaim intanesenel stendet we bai givim moa helpim long lokal komyuniti long sait long sosel na ekonomik developmen insait long laip bilong Main.

Wanem ol wok i go het nau long kirapim menesmen plen bilong Operesen Stes long sait bilong gutpela save, yusim intanesenel samting, na yusim lokal lain insait long tim bilong Ramu NiCo long bringim kamap gut helt na sefti stendet na tu gutpela menesmen bilong envairomen (bus, graun, wara na solwara) em ol bikpela samting tru na i soim wanem samting ol bikpela kampani long wok i save yusim.

Insait long ripot Ramu NiCo i stori long wok em i karimaut long Sasteinabiliti Developmen Plen bilong en wantaim bikpela luksave na tu tingting i kam long tupela bikpela intanesenel stendet na gaidlain. Dispela em Global Kompekt na Intanesenel Kaunsil bilong Maining na Metals (ICMM) ol Sasteinabel Developmen Prinsipel.

Taim Ramu NiCo i muv igo insait long operesen, namba bilong wok lain bai i go namel mak, na teknikal na menesmen save-mannamba bai go antap na invesmen bilong Ramu NiCo long lokal developmen bai i go strong moa yet. Taim ol lokal stekholda i askim long 20-yia bihain sapot dispela Projek i helpim na senisim Madang provins i kamap gut, Ramu NiCo i bilip ol bai bekim wantaim gutpela ansa olsem "Yes".

Insait long dispela ripot, kampani i putim kamaut ol piksa na stori bilong wanpela wol klas nikel Projek. Bihain long Projek i muv igut tru insait long bikpela taim bilong kon-



**Sasteinabel ripot namba 2 i kamaut..**

straksen long 2009 na 2010 em iredi long muv igo long taim bilong komisinim.

Dipela ripot i givim planti gutpela na kliia piksa tru long wokabaut bilong kampani long sait bilong sasteinabiliti insait long taim bilong konstraksen na isoim bikpela wok na taim em i putim long taim sasteinabel developmen bihain long wok operesen bilong Projek ikamap.

Ramu Nickel Projek em namba wan nikel developmen long Papua Niugini. Wantaim invesmen olsem US\$1.6 bilien, Projek i stap aninit long lukaut bilong ol patnas bilong China, Australia, na PNG gavman na ol lain papagraun insait long Projek eria. Wok i go het nau long redim taim bilong komisinim bilong Projek bihain long bikpela wok konstraksen i bin stat long yia 2008.

Ramu Nickel i wok strong tru long abrusim planti kain kain salens long taim bilong konstraksen na i lukim projek pinisim konstraksen wok long rekot taim stret na dispela i winim ol arapela laterait nikel developmen long nara-pela hap long wol.

"Wanpela Ramu NiCo, Wanpela Komyuniti" em i kamap wanpela as tingting tasol bilong gutpela wok bung wantaim namel long Kampani na komyuniti. Na wantaim ol dispela wok developmen we i bin kamap, ol pipel na komyuniti insait long eria ilukim pinis ol "namba wan" ol samting i kamap. Olsem dispela i lukim pipel i kisim wok namba wan taim tru, fes taim bilong pipel long kamapim wok bisnis, na fest aim bilong ol pipel long painim isi rot long kisim ol helt na edukesen long isi rot.

**RAMU NiCO**

## Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nickel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

**Ol dispela namba i soim kliia mak bilong wok mipela i pinisim:**

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

**Wanpela Ramu NiCo, Wanpela Komyuniti**



# Faivpela kain wel pusi kamap ples klia long bus bilong Sumatra



1. Marble wel pusi  
2. Leopard wel pusi  
3. Golden wel pusi  
4. Sumatra taiga



## ...WWF laik pasim wok loging i wok pinisim bus ol i stap long en

BIHAIN long faivpela long sevenpela wel pusi spisis i kamap ples klia long ailan Sumatra long Indonesia, non gavman

ogenaisesen Wol Wail laip Fan (WWF) long Indonesia i traim long askim ol kampani na gavman long banisim lain bikbus ol dispela pusi i stap long en.

Karmila Parakkasi i tok.

“Dispela i soim bikpela baiodaivesiti bilong dispela lain bikbus. Ol dispela welpusi poto i tokim mipelagen, hamas gutpela samt- ing i ken lus sapos mipela i rausim olgeta lain diwai na bikbus bilong mipela.”

Wanpela WWF wok sevei long vidio kamera i soim Sumatra Taiga, Clouded Leopard, Marble Cat, Golden Cat, na Leopard Cat. Olgeta dispela wel pusi i stap insait long wanpela lain bikbus namel long Bukit Tigapuluh na Rimbang Baling Wail laip banis long Riau provins.

Bikpela hap lain bikbus we planti ol welpusi i stap long en, em planti hait na katim diwai wok i wok kamap long kisim diwai bilong mekim pepa, na wok loging.

“Foapela long ol dispela spisis i gat banis bilong ol loa bilong Indonesia Gavman na i stap long lista bilong ol taiga na wel pusi spisis i klostu pinis long wol,” Kodineta bilong WWF Indonesia Taiga Risets Tim,

“Kain evidens olsem long dispela faivpela wel pusi spisis i soim olsem ol konses- esen laisens bilong ol kampani i wok katim diwai long ol dispela eria, olsem Barito Pacific, i mas kisim moa glasim na senis bihainim ol loa bilong Indonesia.



## Pogera Join Vensa opim rot long kisim tingting long ol asples

PORGERA Join Vensa projek i sanapim pinis nupela rot bilong toktok wantaim na kisim tingting bilong ol asples manmeri na komyuniti long kisim gutpela sindaun.

strongim laip bilong ol. PJV Komyuniti Sosol Responsibiliti Dipatmen i go pes long sindaunim ol bung long halivim ol wokmanmeri bilong En- vairomen na Aset Proteksen.

long dispela ol progrem i save kisim wok glasim long kamapim ol bikpela wok developmen.

Dispela nupela rot bilong skelim tingting bilong wok developmen, em ol i kolim Patisipatori Rural Apresal (PRA).

Namba 1 na 2 hap bilong dispela wok i lukim PJV tim i raun lukim 21 ples insait long SML eria na opim toktok wantaim ol komyuniti memba long sait bilong populesen, helt na nutrisen, edukesen, sanitesen, na wok gava- nens.

Namba tri hap bilong progrem bai lukim kamapim bilong ol Komyuniti Developmen Plen, em komyuniti, PJV na lokol gavman na ol NGO yet i wokbung long kamapim.

Astinging bilong dispela wok em long bungim ol komyuniti long Spesol Maining Lis Eria (SML) long Porgera long tokpait long ol bilip na bikpela wok developmen long

Olgeta toksave ol i kisim

em ol developmen save- manmeri i save yusim long kamapim wokbung wantaim ol komyuniti long strongim ol wokbung na wok kamap.

## NAMBAWAN PISIN KRISMAS PRAIS

Port Moresby ↔ Sydney	<b>K 639</b> (wantaim takis)
Port Moresby ↔ Melbourne	<b>K 759</b> (wantaim takis)
Port Moresby ↔ Perth	<b>K 999</b> (wantaim takis)
Port Moresby ↔ Brisbane	<b>K 369</b> (wantaim takis)
Port Moresby ↔ Lae	<b>K 199</b> (wantaim takis)
Port Moresby ↔ Mt. Hagen	<b>K 269</b> (wantaim takis)
Port Moresby ↔ Alotau	<b>K 229</b> (wantaim takis)
Port Moresby ↔ Popondetta	<b>K 169</b> (wantaim takis)
Lae ↔ Goroka	<b>K 99</b> (wantaim takis)
Wewak ↔ Mt. Hagen	<b>K 199</b> (wantaim takis)
Rabaul ↔ Kimbe	<b>K 159</b> (wantaim takis)

Ol tiket em wan wei na yu mas kisim balus namel long mun Novemba 9, 2011 na Disemba 7, 2011, na tu namel long Jenuari 16, 2012 na Februari 29, 2012. Ol rul blong WILD CLASS Prais ikaramapim tu ol dispela. Yu ken baim tiket blong yu namel long Novemba 9, 2011 na Novemba 20, 2011.

### Inogat planti siit

Ringim16111 (long Digicel fon blong yu) o yu ken lukim long [www.apng.com](http://www.apng.com)

- PORT MORESBY** - Level 1, Pacific Place, 321 3400
- MT. HAGEN** - Central Highlands Printers, 542 0662  
- Kagamuga Airport, 542 2732
- LAE** - Micro Bank Haus, Fifth Street, 479 5980
- POPONDETTA** - Top Town (opp. Memorial Park), 629 7638
- ALOTAU** - Preston White Street, 641 1288
- GOROKA** - Airport, 532 2532
- TABUBIL** - Airport, 649 9171
- KIUNGA** - Airport, 649 1125
- MADANG** - Global Travel, 422 0011
- KIMBE** - Kimbe Travel Centre, 983 5802
- RABAU** - Rabaul Hotel, 982 1999

# Airlines PNG

COME FLY OUR WAY





**MEKIM SAVE:** Refri soim Yelo kad long Hekari pilaia, Eric Komeng bihain long em i mekim wanpela asua long NSL gem bilong ol agensim Eastern Stars las wik Sarere long Mosbi.



**SQALENS:** Koriak Upaiga (lephan) bilong Hekari rausim bal bipo long lek bilong birua bilong em bilong Eastern Stars i kamap long en. **POTO: Andrew Molen.**



**MAKIM:** Wanpela asa (archer) i trening long sut wantaim bunara na spia long Mosbi las wik Sande. **POTO: Andrew Molen.**



**PUTIM:** Wanpela Butibam pilaia i redim bal bilong wanpilai bilong em long paitim long gem bilong ol las wik Sarere long Mosbi long Nesanel Volibol Sempionsip. **POTO: Andrew Molen.**



**SALIM KAM:** Wanpela pilaia bilong Koiari redi tasol long salim bal i go long sait bilong ol TI Gabua long Nesanel Volibol Sempionsip gem bilong ol las wik Sarere long Mosbi. **POTO: Andrew Molen.**

**TOKSAVE:** Salim ol spots dro bilong yu kam long Feks; 325 2579, e-mel;[amolen@wantok.com.pg](mailto:amolen@wantok.com.pg) o kam lusim long Wantok Niuspepa opis long Central Waigani, NCD.





**LAPUN:** Ali kam utsait long sios bihain long lotu bilong Frazier long Filadelfia. (AP Photo/Matt Slocum).



**LUKAUT:** Ali abrusim wanpela han i kam long Frazier long wanpela pait bilong ol bipo.

**PAIT:** Ali paitim Frazier long wol taitol pait bilong tupela long Manila long 1972.



**BIPO:** Frazier taim em i bin sempion.



**DISPELA YIA:** Frazier long 2011 bipo long em i dai las wik.

# Dai bilong Frazier bungim ol boksa

LONG bipo, ol man i save pret nating taim ol i harim nem bilong George Foreman, Joe "Smokin' Joe" Frazier na Muhammed Ali.

Dispela tripela man i save holim taitol olsem wol hevi wet sempion bilong profesenol boksing.

Dispela wol taitol belt i save raun namel long tripela tasol inap ol i pinis long pait.

Tripela i lapun nau

tasol nem bilong ol i pas yet long tingting bilong ol sapota, kosa, promoti na tu ol yangpela boksa na arapela paitman bilong tete.

Nambawan long olgeta em Ali, husat i winim dispela taitol tripela taim bipo em i pinis.

Long las wik, bikpela toksave i kamap olsem wanpela bilong dispela

tripela biknem boksa, Frazier, i dai.

Planti bilong ol dispela boksa, promoti na arapela biknem bilong boksing, wantaim ol family na poro i kamap long tingim dispela bipo sempion.

Frazier i bin kam long PNG long 1972 bipo long em i go pait wantaim Ali long wol taitol long Manila long Filipins (Philippines).

Ali bin winim dis-

pela pait tasol Frazier i bin tok amamas long raun i kam lukim PNG na i go.

Em i bin bungim tu bipo PNG profesenol boksa, Martin Benny bipo long em i go pait.

Lotu bilong bodi bilong Frazier i kamap long Enon Tabernacle Baptist sios long Mande dispela wik long Filadelfia (Philadelphia) long Amerika.

## Profail

**Nem tru:** Joseph William Frazier

**Giaman nem:** "Smokin' Joe"

**Longpela bilong em:** 5 ft 11 1/2 in (1.82 m)

**Kantri:** Amerika

**De mama karim:** Janueri 12, 1944, Beaufort, South Carolina, USA

**De em i dai:** Novemba 7, 2011 (krismas67), Philadelphia, Pennsylvania, USA

**Sanap bilong em long pait:**

Otodox (Orthodox)

**Boksing rekot bilong em**

**Total pait:** 37

**Win:** 32

**Win wantaim nokaut:** 27

**Lus:** 4

**Dro:** 1

**Em i bin makim Amerika long Olimpik Gems na i winim Gol medol long Tokyo long 1964 long hevi wet divisen.**



# Lockyer redi long laspela intanesenel gem bilong em

DARREN Lockyer i wok long redi long kisim ol Kangaroos i go insait long wanpela intanesenel gem, laspela taim.

Dispela Sarere bai laspela ragbi lig gem tru bilong Lockyer taim ol i bungim Inglen (England) long Leeds long fainol bilong 4 Nesens resis bilong ol.

Prop fowet bilong Australia, David Schillington, i tok ol i pilim sampela presa long dispela gem bilong wanem em i laspela gem bilong Lockyer.

Ol i save olsem olgeta manmeri long Australia bai laikim ol long win tasol ol i tingim bipo we ol i bin lusim tupela long tripela bikpela fainol gem bilong ol.

Wanpela em taim ol i lus long 2010 4 Nesens fainol agensim Nu Silan na narapela em long 2008 wol kap fainol taim ol i bin lus long Nu Silan tu.

Tasol long wankain taim, ol i gat strongpela tingting long lukim olsem kepten bilong ol i winim laspela gem bilong em.

Lockyer i pilai ragbi lig 17 yia olgeta na dispela bai wanpela bikpela gem bilong em tru.

"Presa i save stap long Australia long win olgeta taim tasol nau em i bikpela moa bilong wanem em i fainol agensim Inglen na tu, namel long mipela yet, mipela i laik pinisim pilai bilong Lockyer wantaim win,"

Schillington i tok long ol nius ripot.

Em i tok em bai gutpela long lukim Lockyer i apim trofi na i pinis wantaim.

"Em bai gutpela long mipela i amamasim em wantaim trofi go autsait long gem," Schillington i tok.

Long wankain taim, mama papa bilong Lockyer i kisim balus i go long Inglen long lukim laspela pilai bilong pikinini bilong ol.

Dispela em i namba wan taim bilong tupela long go long Inglen na em bai laspela taim bilong tupela long lukim pikinini bilong ol i pilai ragbi lig.

Lockyer i kisim mama bilong em, Sharon na papa, David, long soim amamas bilong em long tupela long sapot bilong em long pilai.

Em i sore olsem meri bilong em, Loren na pikinini, Sonny, i no nap long kam lukim em bilong wanem Loren i redi long karim namba tu pikinini bilong tupela.

Em i tok gutpela pilai na strong bilong em insait long gem i save kam long femili bilong em na em i laik tru bai mama papa bilong em i stap long lukim laspela gem bilong em.

"Tupela i givim bikpela sapot long mi we i helpim mi long kam longwe tru olsem long gem bilong mi," Lockyer i tok.

Narapela man husat i gat bikpela wok, long helpim Lockyer long gem bilong em, em bipo kosa bilong em,



LASPELA TAIM: Tingting bilong Lockyer i pas long gem tasol.

Wayne Bennett.

Tasol Lockyer i tok em bai no inap kamap.

"Em i gat planti wok wantaim ol Knights olsem na mi no wari tumas sapos em i no kam tasol mi save

em bai lukim gem long haus," Lockyer i tok.

Tasol Lockyer i tok tu olsem namba wan samting long tingting bilong em nau em long pilai na me bai no inap tingting o wari tumas

long em yet.

"Namba wan samting long tingting bilong olgeta taim em long pilai na gem bilong mi wanpela tim em i bikpela moa long ol arapela samting," em i tok.

## Hasler em nupela memba bilong 'Dogs



NUPELA KOSA: Hasler (raithan) i tok pilai wantaim Greenberg long Mande dispela wik long pilai graun bilong ol Bulldogs.

BIPO kosa bilong Manly, Des Hasler, i werim yunifom bilong ol Canterbury Bulldogs long Mande dispela wik, bihain long olpela tim bilong em i rausim em.

Hasler i bin tok em bai stap wantaim Manly gen long 2012 tasol ol i surukim dispela kontrak i kam fowet wanpela yia, we i lukim em i pinis long dispela yia.

hain long ol ripot i kamap olsem Hasler i wok long grisim ol pilaia na ofisol bilong Manly long bihainim em i go long Canterbury long 2013.

Bod bilong Manly i bung na toktok long dispela na i givim pepa long rausim em long las wik Fraide.

Long Mande dispela wik, Hasler i putim snot bilong Bulldogs long solda bilong em na i redi long statim wok wan-

taim ol. Em i tok strongpela tingting bilong em nau em long helpim ol Bulldogs i kamap strong long 2012.

Sif Eksekutyiv Opisa bilong Bulldogs, Todd Greenberg, i tok ol i nogat asua long pulim Hasler i go long ol bihainim dispela hevi.

Kontrak bilong Hasler wantaim ol Bulldogs bai go inap long pinis bilong yia 2015.

## Inglen i amamas long pinis bilong Lockyer

OL Inglen i amamas long lukim olsem Darren Lockyer bai pinis long pilai.

Kepten bilong ol, Jamie Peacock, i tok Lockyer tasol i mekim ol i painim hat long brukim dispela ol lus bilong ol agensim Australia.

Inap 41 yia nau, Inglen i no winim wanpela gem agensim Australia na Peacock i bilip ol bai gat sans bihain long Lockyer i pinis pilai.

"Em i save givim planti het pen long mi na Inglen long taim em i pilai tasol long wankain taim, em i wanpela nambawan pilaia tru we mi bin pilai agensim, tasol mi amamas olsem em i no inap pilai moa," Peacock i tok.

Em i tok amamas tu long Lockyer long pilai bilong em insait long 4 Nesens resis dispela yia long kisim Australia i go long fainol gen.

Long wankain taim, kosa bilong Inglen, Steve McNamara, i tok ol i noken tingting tasol long Lockyer na lustingting long Inglen fowet, Adrian Morley.

Morley bai kamap man husat i pilaim moa gem bilong Inglen long ol arapela pilaia bilong ol.



LUKSAVE: Morley bai pilaim 50 gem bilong Inglen agensim Australia dispela Sarere.

Dispela bai kamap taim em i go insait long gem bilong Inglen agensim Australia long fainol bilong 4 Nesens resis we bai kamap long Leeds long Inglen dispela Sarere.

Morley bai pilaim namba 50 gem bilong em, we i lukim em i save makim Inglen na Gret Briten (Great Britain) wantaim.

Dispela mak i putim Morley bihain tasol long Lockyer husat bai pilaim namba 59

gem bilong em bilong Australia bipo em i pinis.

"Darren em i wanpela nambawan pilaia tu na i gutpela long yumi olgeta i amamasim em, mi tu i gat respek long em.

"Tasol em i gutpela tu sapos mipela i ken luksave long rekot bilong Moz (Morley) tu na i noken tingim tasol amamas bilong Australia long kepten bilong ol," McNamara i tok.



# Stars strong tasol Hekari go pas yet



## Wok bilong kamapim na ronim wanpela bung

GAT planti ol bung na spots tonamen i save kamap olgeta taim, olsem na dispela wik bai mi traim givim sampela stia tok long helpim ol lain husat i save mekim dispela kain ol wok.

Namba wan samting yu mas i gat taim ol i makim yu long mekim ol wok redi bilong kamapim na ronim wanpela spots bung o tonamen, em, yu mas i gat bikpela taim na ol risos long mekim.

Toktok bilong mi sut long ol wanwan Nesenel Federesen bilong wanwan spot husat ol i save kamapim ol nesenel spots tonamen o sempionsip bilong ol long olgeta yia.

Olsem mi tok pinis, dispela ogenaising komiti mas i gat planti taim na risos long kamapim dispela ol bung.

Dispela em bikpela samting ol i mas tingting na lukluk gut long en sapos ol i laik dispela bung i kamap gut long stat i go long pinis bilong en.

Sapos yu no tingting gut long dispela ol samting, em bai tonamen i no inap ron gut na sampela hevi bai kamap long pinis bilong bung.

Makim wanpela komiti we i gat gutpela save na ekspiriens long mekim dispela wok.

Save na ekspiriens bilong ol em i bikpela samting long lukim ol samting i kamap na ron gut.

Olgeta samting i mas kamap na redi gut sapos yu laikim tonamen i ron gut tu.

Taim yu givim wok i go long wanwan memba bilong ogenaising komiti, yu mas lukim olsem i gat inap taim na risos bilong wanwan man long mekim dispela wok gut.

Sapos yu no mekim dispela, bai yu bungim planti hevi bihain.

Inap taim bai lukim komiti mekim na pinisim gut ol wok bilong ol.

Sapos ol i givim yu wok long painim sponsa, em yu save olsem yu mas i gat inap taim long mekim dispela.

Wok bilong painim sponsa i save kisim olsem 6-pela mun o wanpela yia bipo long yu ken gat sponsa.

Dispela wok em i gutpela piksa long soim yu long wanem as tru na yu mas i gat inap taim bilong mekim ol wok redi bilong yu.

Yu no inap mekim planti samting tu sapos yu nogat inap risos o ol samting bilong helpim yu mekim ol wok bilong yu.

Dispela ol risos i no mani tasol, yu mas i gat ol arapela samting tu olsem planti wokman long helpim yu na tu olarapela samting bilong edministresen wok.

Em i gutpela tu long kamapim ol bung olgeta taim long luksave long wok bilong komiti na tu save long ron bilong wok bilong wanwan memba.

Dispela bai helpim tu long lukim olsem olgeta wok i kamap na pinis long taim stret.

Ol kain bung i mas kamap olgeta taim inap long tonamen i stat.

Sapos i nogat inap bung bilong komiti o sapos i nogat planti manmeri kamap long dispela ol bung, em bai sampela hevi ken kamap tu.

Lida bilong tim i mas save long wok bilong wanwan memba bilong em na i mas sekim ol long lukim sapos ol i mekim sampela samting pinis.

Sapos wanpela memba i no mekim wok bilong em gut o hariap, orait em i wok bilong tim lida long senisim em.

Dispela lida i mas givim gutpela sapot tu long ol memba bilong em long mekim olgeta wok bilong ol gut.

Givim bikpela taim na risos long yu yet bai yu ken kamapim na mekim gut ol wok bilong yu.

Traim dispela ol samting mi tok, na lukim sapos em i wok gut long yu na Federesen bilong spot bilong yu.



**STRONGPELA GEM: OI Hekari pilaia i pasim wanpela fri kik bilong ol Stars long namba wan hap bilong gem. POTO: Andrew Molen.**

Muta, Andrew Lepani na Eric Komeng i go pas long traim na brukim banis bilong ol Stars tasol ol i sanap strong.

Stars tu i no givim spes long wanem, ol i bin pilaim ol long gren fainol long las yia na i save gut long ol.

Kepten bilong Stars, bilong Solomon Ailan, David Taro, tupela straika, Lap Embel na Felix Bondaluk na tupela midfilda Michael Foster na mangi Lae, Eliud Fugre i pilai strong tasol i nogat sans long mekim wanpela bikpela senis insait long gem.

Maski Taro, Embel na Bondaluk i kisim ol gutpela bal, ol i no pinisim gut ol gem plen bilong ol.

Foster, husat i pilai namba wan pilai bilong em dispela

sisen, i no pilai gut long wanem, em i bin kisim liklik bagarap long lek bilong em.

Dispela dro bilong Hekari na Stars i no senisim posisen bilong ol long poin leda bilong NSL.

Hekari i go pas yet wantaim 10 poin, Central Coast 9, Stars long 5, Bulolo United 4, Besta United 4, Tukoko University 1 na Petro Souths i nogat poin yet.

Dispela wiken long raun 6 bai Hekari bungim Besta United, Bulolo United bai kisim Central Coast Souths bai traim Tukoko Uni na Stars bai malolo.

Long ol arapela soka nius, Solomon Ailan kosa bilong Hekari, Jerry Allen i tok graun bilong Bisini pilai graun i no

gutpela long pilai.

Em i tok ol pilaia i no inap long pasim ol bal long wanem, graun i no stret long pilai na i tok ol i mas painim narapela ples bilong pilai o stretim dispela pilai graun.

"Ol i mas stretim ol graun na mekim olsem wanpela fil bilong ol bikpela gem long kamap.

"Sapos ol i no stretim, planti bilong ol pilaia bai kisim bagarap," em i tok.

Long wankain taim, em i tok i mas i gat 4-pela risev na i no tripela.

Em i tok O-Lig em i wanpela bikpela pilai bilong Pasifik na ol i rausim wanpela tasol NSL em bilong Papua Niugini yet na ol i noken yusim ol lo bilong O-Lig.

CPL EASTERN Stars i holim pasim gut sempion bilong las yia, Hekari United, 0-0 long raun 5 gem bilong ol insait long Nesenel Soka Lig (NSL) long Bisini soka graun long Mosbi las wik Sarere.

Hekari yusim olgeta sta pilaia bilong ol long winim dispela gem tasol ol mangi Samarai no lusim ol i putim wanpela gol.

Stars tu i kamap wantaim sampela ol stail pilai long holim pasim gut na i no givim spes long ol dispela star pilaia Hekari.

Dispela dro i mekim Hekari go pas yet long poin leda bilong NSL tasol ol Stars i no stap longwe bihain long ol.

Na ol narapela pilai bilong NSL long Lae namel long Besta PNG United na Tukoko University, tupela tim wantaim i skoa 1-1.

Pilai namel long MMJV Bulolo United na Petro Souths long Goroka i no bin kamap na Gigira Laitepo Central Coast i stap long malolo.

Long Bisini, ol Stars i pilai strong nogut tru long daunim Hekari tu tasol ol tu i no inap long putim wanpela gol agensim ol sempion bilong PNG.

Hekari no soim tu olsem ol bai givim sans long ol Stars.

Tupela tim wantaim i bin gat planti sans long skoa tasol difens bilong ol i wok long pas hariap na i no givim sans long narapela tim.

Ol sta bilong Hekari olsem kepten Kema Jack, David

# VAVA em nambawan yet

Andrew Molen i raitim

I NOGAT narapela asosiesen inap long rausim Vabukori Amateur Volleyball Association (VAVA), olsem ol sempion tru bilong ol man long dispela gem insait long Papua Niugini.

Dispela 3-2 win bilong VAVA agensim Tatana long Mosbi las wik Sande, em i namba 8 win bilong ol.

6-pela long dispela win em ol i kisim insait long 6-pela yia stret, narapela tupela ol i win winim long narapela taim.

Tatana i givim strongpela salens long ol tu tasol smel bilong win i pas long nus bilong ol VAVA pilaia pinis na ol i nogat tingting long lusim dispela gem.

Long namel bilong gem, i nogat gutpela luksave long husat tru bai win bilong wanem skoa bilong tupela i stap klostu tru.

Tasol ekspiriens na save bilong VAVA i helpim ol i sanap



**SEMPION TIM: OI VAVA pilaia i traim long pasim NCDVA long kwata fainol gem bilong ol las wik Sande. POTO: Andrew Molen.**

strong aninit long bikpela presa i kam long narapela tim.

Na taim VAVA i skoaim 19-17 long win, olgeta pilaia na sapota i kisim bikpela win na i singaut na kalap wantaim amamas.

Ol i mekim wankain long ol arapela bikpela gem bilong ol insait long tonamen.

Wanpela bilong dispela em agensim NCDVA long kwata fainol we ol i win long go insait

long semi fainol na bihain i go insait long gren fainol.

Ol i winim olgeta arapela gem bilong ol insait long tonamen inap long ol i bungim Tatana husat ol i givim gutpela salens tru long ol.

## Bung bilong ol ragbi lig biknem...

**i kam long bek pes..**  
John Wilshire na David Wesley tu bai stap insait long dispela gem.

Lam na Wesley bai pilai wantaim Maroons sait na Bai wantaim Wilshire bai sanap wantaim ol Blues.

Dispela 4-pela pilaia bai gat sans long pilai wantaim sampela ol biknem bilong Australia

long bipo.

PNG NRL Bid i kamapim dispela pilai long winim moa sapot long NRL long traim na putim wanpela tim insait long dispela bikpela kompetisen long hap.

Sif Eksekutiv Opis bilong PNGNRL Bid, Brad Tassel, i tok ol i laik soim laik bilong ol manmeri tru long dispela gem na tu luksave

long ol biknem pilaia we ol i save sapotim bipo.

Em i tok ol i mas mekim dispela gut bai ol i ken gat sans long pilai insait long ol pri-sisen gem long Australia tu.

"Em i sans bilong ol PNG manmeri long lukim sampela ol fevret pilaia bilong ol long bipo, i bung na pilai gen long nambawan gem bilong ol," Tassel i tok.

long ol biknem pilaia we ol i save sapotim bipo.

Em i tok ol i mas mekim dispela gut bai ol i ken gat sans long pilai insait long ol pri-sisen gem long Australia tu.

"Em i sans bilong ol PNG manmeri long lukim sampela ol fevret pilaia bilong ol long bipo, i bung na pilai gen long nambawan gem bilong ol," Tassel i tok.



# WANTOK SPOTS

Isu 1943



## LAE BISCUIT CO.



Wan wik: Fonde, Novemba 17 - 23, 2011.

**NEW PREMIUM TUNA**

# DIANA

**PROUDLY PNG MADE**

**BIKNEM:** Peachey em wanpela bilong ol bipo biknem NRL pilaia husat bai kam.



# Bai Blues na Lam Maroons

**Ol bai pilai Orijin wantaim ol bipo NRL NRL pilaia**

ODISPELA Sarere bai wanpela bikpela bung bilong ol bipo biknem ragbi lig pilaia i kamap long Papua Niugini. Ol biknem pilaia bilong Stet Ov Orijin long Australia olsem, Kevin Campion, David Peachy, Rod Silva, Nathan Blacklock, Cliff Lyons, Andrew Walker, Matt Geyer na Scott Hill, bai kamap long PNG long pilai wanpela gem agensim ol yet. 4-pela bipo PNG pilaia, Marcus Bai, Adrian Lam, David

**Moa long Pes 27.**

**NISSAN NAVARA D22**  
4WD Double Cab Utility

**DRAIV IGO**  
**K 79,990**

Powerful 3.2 Litre Diesel • Air Conditioning • AM/FM Radio Cassette • Bucket Seats

**BAIM WINIM 1**  
\*Condisen Aplai!

Promosen stat long 1st Oktoba na pinis long 31st Decemba 2011  
Ol kastoma i baim kar, bai igat sans lo winim wanpela D22

**BOROKO MOTORS**

PORT MORESBY	325 5255
LAE	472 1144
MT HAGEN	542 1933
TABUBIL	649 9048
KIMBE	983 5035
MADANG	422 2659
KOKOPO	982 8193
GOROKA	532 3552

Email: [info@borokomotors.com.pg](mailto:info@borokomotors.com.pg)  
Website: [www.boroko-motors.com](http://www.boroko-motors.com)